



石倉詩稿

西峯集

辛未

卷之上

西峯集

閩中曹學佺能始著

移居西峯社有述

時予乞休得請

昔慕林野曠卜築依岩耕衰齡想風露携孥入

巖城漁釣屏不事詩書閱餘生雖在窮巷內尚

得西峯名露臺峙物表平地為再成登覽周四

極翠微列前楹花卉既雜莠梅柳冬春榮遊魚

逝梁內數尾縱縱輕友朋日相過室邇易合弁

未學免孤陋閒居荷



聖明豈待投荒苦始鑒止足情媿非謝安石雅
望誰爲傾五臘日諸子過集西峯草堂得十四鹽韻時
甚早遷居不改井涓滴苦難霑解渴人呼酒貪涼坐
近簷已看中臘到未見小寒添花發全無次塵
飛不隔簾五更聞雨點西月墮峯尖水涸遊魚
避雷翻白鳥潛園蔬驚日瘦海錯逆潮淹祇恐
春霜候東皇令轉嚴

社集東郊華嚴寺看梅因訪王玉生共用

東字

梅花消息自城東越壑尋邱逸興同疎雨乍催
千片白晚霞微映幾枝紅蕭條古寺無支遁者
舊人家並德公誰向樽前不盡醉嬌歌一曲度
芳叢

華林寺看梅是日范佩蘭彈琴吳仲緯對

扶筇寺裏陟蒼巒喜梅花此地看疎密松林

石倉詩和 卷三十二
相間色週遭城郭不遮寒世情變幻閒中奕山
水清音僻處彈况值主僧深好客早將燒菜作
春盤

約遊藤山梅塢因雨不果

入冬皆苦旱微雨濕田疇未足禱農事祇堪礙
客遊虞人期已失野老席誰收惟有齋頭樹焚
香坐對愁

石倉梅花盛開有述

幾日尋梅塢自家園不窺每逢亭與榭却亞樹
兼枝石沼浮香遠仙禽叫月遲主僧正惆悵問
客欲何之

精巖寺看梅

因過前代寺得看數村梅風日薰蒸遍川原合
沓開石爐從地湧浦樹漾潮迴故有匡僧伴應
無野客猜任眠香雪裡畱悵法雲隈何日彌清
淨空門騁辯才

宿精巖翠栢軒

月到山中深雲堆谷口滿靜夜開禪扉階前一

疎散機隨栢子叅臥向梅花煖心清本無寐夢
逐晨鐘斷

庚午除夕

煖風池面拂輕瀾紅白梅開尚未殘雖爾移家
猶似客特蒙 俞旨免之官衰年省已多成誤
生事逢人更說難莫問城村風景別老夫原未
出門看

辛未元旦

忝從清世大夫名在籍鄉紳候曉盈寶地儼然

趨闕路玉珂偏識戀

君情元正啓篆勞人誚

老大吟詩率意成獨是友朋相過好漫携雙屐
向郊行

邵肇復遷浙中憲長詩以寄之

蜀吟開卷滿琳瑯喜是遷官復近鄉兩浙並推
人獨坐孤山時與客同觴風清好憇堤邊柳日
出遙看海上桑吾郡縉紳寥落甚羨君猶自魯
靈光

枕上作昭君詞

石倉詩和 卷五
妾入龍堆古塞川
蛾眉宮裏尚三千
蚤使君王
一回顧莫教惆悵玉階前

仝徐興公諸子過真公禪房看海棠共用
花字

海棠雙樹繞清淨
屬僧家閱世不知老
迎春先作花客來
如入幕酒熟似蒸霞
竟日爲歡賞
吟詩待月華

仍用前韻

高僧移手跡
故不蓄于家
恨乏詞人詠
疑爲天女花
因風飄絳雪
映月有丹霞
共約春來興
連晨競物華

陳法瞻往固原謁楊少保贈之四絕

良家六部氣雄哉
豈是名家子弟才
筵篋和得涼州曲
方露詞人本色來

節度尚書雅好文
通家投謁禮殷勤
須臾手授平胡策
領出蘆川白草軍

秦晉饑民乍揭竿
蜂屯蟻聚路行難
身經群盜圍中過
百戰纔能抵賀蘭

功成方可勒銘還切莫刀頭屢顧環欲向安西
尋舊磧射鵬親上六盤山

詠墨紗燈屏

園林如暫寄花卉亦空飄豈以公超術能令子
墨騎踐苔人跡斷映水燭光搖路上尋春女翻
身拾翠翹

寄衷穉生

武夷崑洞客相見似重遊社集蓮花漏詩題桐
葉秋雲隨山屐出月掛水簾幽遠勝在城市終

朝事應酬

送謝茂才歸山陰

謝家庭院裏玉樹秀連枝豈預平戎策還陪賭
墅基山陰行道上閩海借才時媿乏兼金贈爲
吟五字詩

詠水燈

玉壺清艷九枝開火齊分明照鏡臺把酒欲爭
時刻賞遊人疑自廣寒來蓮花滴向朝光盡銀
箭停將夜漏催豈似滹沱追騎迫倉皇漢主暝

中回

夾紗燈影照粉壁上因詠之

素壁映燈花隨風故故斜摹來幾枝影隔着一
重紗蕩颺載巖石分明棲夕鴉恍疑窓外曙尚
不辨雲霞

詠琉璃燈

清供原從佛界看華堂今始侑君歡瑤塔月出
渾疑浸銀海光生倍覺寒長有仙人毫似玉寧
須齊女織成紈時時拂拭無塵染莫遣風前墜

剝竿

羊皮燈

同異寧論白與堅彩毫能使朽姿鮮娟娟玉質
留餘潤滴滴金膏豈聚羶叩處有聲同鷺鼓張
時無力借鷗絃海西曾伴蘇卿節皎潔長疑漢
月懸偶觀元微之集琵琶歌有纏絃不敢
彈羊皮之句予第六用事頗與相合
送趙司理赴京考選因省覲

七年司理似君稀此日承恩入禁闈價重連
城原趙璧清持一絹等胡威匡時定有千言疏

石倉詩集 卷三十一
省覲應裁五色衣不是瀕行多沮滯士民情意
忍相違

洪可遠招集池館看蜀茶因懷汝含中翰
漫切人葉痛叨招綺席連花如含笑日節值釀
寒天手植傳來遠孫枝發處妍影蛾池面小濯
錦雨容鮮宛爾叢觀火胡云俗禁燼杯光浮琥
珀黛飾間珠鈿贈豈同蕭艾啼空有杜鵑青雲
思翰墨白雪競詩箋物候春將晚悲歡事隔年
還持欣賞趣寂寞慰窮泉

送忘機道人

三山城中人來往逐聲利添一道士行如入華
陰市施藥與孤貧持卷索文字我疾在煙霞日
深不能治安得更隨君閒遊無所事武夷九曲
中扁舟弄雲水

送胡獻卿之金陵

久雨坐幽鬱初晴動遊想金陵佳麗鄉玉樹叅
差狀果擲潘車中書題練裙上知君風氣邁深
情在一往

辛未三月西湖脩禊倪柯古直社

勝友依辰集長筵就水寬美人從後至春色未
應闌風候頻看變晴光乍作寒鷗波生曲渚鳥
道出層巒衣帶垂芳草亭臺藉上蘭車塵猶隔
畛鏡象在澄瀾邸閣三眠柳漁家一釣竿浮觴
傳洛下禁火憶林端遺俗雖堪吊前賢已達觀
但當金谷酒滿酌不辭難

鼓山舟中

半江風力健舟子峭帆過洲勢成紋疊山光撲
翠多連營喧戍角出浦迤漁歌予亦閒遊者吟

詩向薜蘿

魁崎夜泊與朱山人夜飲

濛月雨來澆江空正落潮沿隄皆可步遇石且
停橈麥浪平看秀茶香頗忌焦酒中真率趣長
柄木爲瓢

再遊天鏡崑試新茶

崑漏當春雨人行戴笠斜天然成古刹火熟試
新茶竈石非全劖江雲只半遮主僧能好客每

石倉詩集 卷三十一
到卽如家

過南院有感

院名渾不識地在湧泉南蔓草未侵盡崇基尚
有三主峯作窰窠坏土祀伽藍縱欲謀興復無
僧足荷擔

夜宿天寧寺

晨與山僧訂黃昏叩道林却非因雨宿爲是數
年心霽月猶當檻殘雲復作陰不須尋問荅鐘
磬有餘音

過南禪廢寺

從來龍象所興廢亦隨緣邱塚莖何益子孫貧
願遷燒痕開院址隣舍汲庵泉昔日曾過此蹉
跎三十年

送吳光卿還潮陽

去歲辭官謂我非茲看計典服知機海中露布
收奇捷天上星文逼少微途已三千猶接壤囊
無一物可携歸祇須韓相祠前木百尺藤蘿覆
故衣

送黃三卿

金陵有故居此去奉潘輿折筍茶香細來禽果
熟初銜杯愁少伴回棹載多書建棊城頭水詩
腸一畝餘

林懋禮新居作

移居春已暮美麗勝花朝願預瓊筵會寧煩繡
簡招當歌偏有屬注目遂無挑詎學明河詠方
秋遲鵲橋

贈開府熊公

聖主從來善用人天聰猶不廢咨詢留公盡展
胸中畫視我如傷海上民播穀今年農事早款
桑初日貢航新欲知仁者偏多壽自是嵩高祝
降申

送徐魯人海憲擢東省臬司

曩時曾向石梁行遙望真人紫氣橫特簡來閩
收劇盜雄文登岱示諸生家當孔道應停騎候
值清和好聽鶯人自賢愚相去遠媿予猶自說
同庚

同與全素秋到石倉索贈

林園久不御聊復伴姬遊
崑雨曉初霽谷泉鳴
更幽幽偶因迷問徑常指勝
移舟索我齊紈扇
沉吟未及秋

唐宜之石倉雨宿

林園不避客雨際斷來遊
清興唯君發無人到
更幽石間分磬路閣上似灘舟
更作通宵話方于宿願酬

聖王題林熙工八十受封

八十受封雖足貴
早年聞道已遺榮
日薰錦水成華袞
人在磻溪釣素璜
芥納須彌成法喻
杖辭鄉國識身輕
君家父子真天授
百歲應兼兩瑞名

送顏同蘭給諫奉使還朝

奉使斑斕日正長
王程催上露輶光
剪桐昔見周天子
起草今聞漢夕郎
交未面時如故舊
水成文處是清漳
相逢不盡班荆意
漫向河橋賦別觴

賦得綠陰

遠隨芳草色萋萋
不管殘紅杜宇啼
費氏壺中藏日暗
竇家機上繡天低
黃金漫復誇鶯羽
碧玉惟須趁馬蹄
游子青衫揮欲染
却疑身在杏林西

送劉孔門之河內省其婦翁吳汝鳴

聞說南陽地昌黎
有世家城盤河內
固山入太行斜暑
蓋分荷葉晨鞍撲
柳花水清與玉潤
都向衛人誇

陳振狂過西峯池館

偶有餽酒者
因留共飲

君每乘潮到浮山
有草堂城中別懸
榻水上浸扶桑桃
已過牆實茶初出
洞香白衣人餽醞
何必待重陽

送林益謙給諫還朝

三山文運半興衰
猶喜垣中兩拾遺
國是至今難畫一
交情從古樂新知
梅風直送回青瑣
葵日常薰在赤墀
別後漫增離索感
封章傳到是丰儀

送薛恒簡儀部謁選

秣陵佳麗舊儀曹何事歸心折大刀
過里已知休假樂趨朝還謁 聖明勞
柳花五月開亭障粟米千艘過運漕
功令此時雖畫一還將優格待賢豪

詠蜘蛛網

腹裏經綸任卷舒簷前結構豈容疎
已驚當戶堪羅雀誰信臨淵不爲魚
煙雨一竿收寂寞光陰雙隙度居諸
曝衣樓上如張掛謂是佳人乞

巧餘

寄樊致虛辰州兵憲

憐才啓事豈相閑盡以遐荒作賜環
或爲文章雄八代故將威望鎮群蠻
伏波銅柱標奇蹟大酉丹砂駐少顏
暇日武陵溪上棹桃花流出水潺潺

其二

爲茂才林履基遠訪

功令時常欲獎恬誰知恬者故多淹
讀書已自堪娛老辭祿全非爲矯廉
數載神交逾浹通

石倉詩集 卷三 十四
家禮謁霽威嚴何時慰我雲霓望三尺堂高不
隔簾

輓茂上人

三山氣運薄漸次及禪閑但爲時欽仰難留在
世間自從辭草座不復到芝山盡惜師勞苦人
生幾得閒

送林履基

昔者士稱貧栖皇惟一身今貧八口外尚有啼
饑人在家祇坐困出門費資斧更損客中囊草
草爲內顧予少多淹滯罷識寒士苦相周力不
逮欲展意彌阻君言之楚遊節鎮平生優孔融
應御李王粲正依劉入湘蘭作佩莫屈芷爲羞
此去逢知己寧須歎蒯緱

寄長沙蕭郡丞

昔自湘潭過醴陵長沙嶽麓阻攀登邊州與我
同離瘴劇郡聞君更飲水响嶠禹碑花下楊洞
庭仙棹月中乘清時敢道賢人隱願作弧南老
也能

送葉民部

文忠相
公猶子

五馬峯前作意看
光芒列宿動郎官
度支時正需劉晏
勝奕人猶說謝安
草色千重經雨綠
葵花一點向陽丹
媿予疎懶因成癖
獨自江頭戀釣竿

董履恒叅軍舉子

善人必有後况乃保障功
百洞精英降三山
瑞氣通弄璋幽邑古獻策
漢廷中曉日扶桑起華筵
海色紅

寄李玄白

樵川太守類能文
早歲窮交喜得君
河潤豈惟稱九里
山居祇自讀三墳
中孚已及豚魚信
舊好長懷鷗鷺群
見說北岩有奇樹
春來幾許醉斜曛

題葉君馨中翰春晝堂

相門勛業在玄成
堂構新開麗晷晴
絲筆三都曾有賦
秘書千卷不知名
野容綠處畱遺蔭
鶯羽黃時巧囀聲
旦夕驪駒催上道
祇從蘿薜訂

幽盟

送蔣道圭之白下

夏日蟬聲傍水涯
芡衣如雪拂涼颺
不愁客路無芳草
忍別家林有荔枝
海內交遊多執友
画中禪理或前師
停杯顧曲君知否
昔也周郎異少時

送徐伯朗明經北上

祖制成均重積分
忻逢今上注斯文
家從孺子南州著
人舉賢良北闕聞
白社無期盟白石

青袍有路達青雲
笑予老却山中眼
猶向芸窓校典墳

過董崇相樓居

未向山橋度先從石骨行
新樓無百尺高臥此時情
竹日交牕影松風雜磬聲
應知相視笑不着世間名

全唐宜之鄭爾調葉君馨蔣道圭荷亭避暑

暑

湖水本澄清何緣蔓草生
欲酌臨汎趣彌動古

今情湛露荷香徹斜陽柳色傾邇來銷暑處已
驗葛衣輕

寄贈徐太守

上虞人舊爲松溪令茲守建州

惟得溪頭噴雪花使君應是雨隨車家風雅著
南州榻宦况清如北苑茶管領八城新惠澤重
吟五字舊煙霞曹娥江上穹碑在此後誰將絕
妙誇

送鄭映昆之陪京

以龍泉令遷光祿

勲卿今不借山郎豐鎬由來是帝鄉昔日花封

優製錦他時粉署待含香榮親展讀恩綸語祀
聖躬調御苑湯相望長虹時耿耿龍泉曾淬舊
干將

黃伯雄嚴子如寓石倉爲予畫壁

有客自吳門移居在我園開軒面荷葉掃壁見
苔痕靜得忘機侶閒將盡理論雖停幾日棹如
入武陵村

再寄衷穉生

所思風雅士長揖武夷君釣落高峯月吟開滿

不
卷三
笥雲三秋鐵笛遠九曲水簾分未遂重遊興裁
書寄鴈群

送陳叅知擢江西憲長

宣猷督餉兩稱艱指顧如公祇覺閒已極苦心
禪國計尚留寬政在民間台垣法曜輝南浦歐
冶清波蘸北山惆悵豫章何太劇奪子慈父去
難攀

七夕倪獻子招集槎園

雨過涼生日已昏坐臨空濶此開樽漫窺雲縷

求新巧且得星槎繫故園罷釣已知魚樂遂填
橋一任鵲聲喧年年詩句凌河漢今古誰人爲
溯源

茅止生過宿浮山

故人相見歷星榆飄泊何妨一寄孥研非不知
誰是主宅南相讓未爲孤聽松尚憶秋濤壯觀
權方悲歲運徂 聖世金雞朝夕下肯將金齒
困新都

潘昭度申青門唐宜之全過石倉因訪茅

止生全賦

草堂其寂寞芝蓋問沉淪執轡寧知賤藏書祇
覺貧崑依松色古池照槿花新從此千秋意無
憂委路塵

右過浮山堂

青壁映垂楊蘭舟泛石塘中流無暑氣隔扇有
荷香鶴過陂頭立魚跳水面狂應知莊叟興不
減在濠梁

右泛舟到蓀軒

荔子時雖過濃陰滿閣中頰流如匹練映日似
丹楓沆瀣漿堪挹欹斜磴不窮清歌猶自嬉已
快洗粧紅

右荔閣少坐

獨是稱良會言談日易晡松枯寄水活竹醉要
人扶棲鳥驚鐘動流螢濕火無白雲何限思片
片戀菰蘆

右自竹醉亭夜歸

送練元素

秋暑猶未退建溪熱如湯之子告言邁俾予心
中傷好尚徵人情古道今則亡雕虫不足貴金
石韞斯章古人何可作姓字畱餘芳好事獲一
面豈不重珪璋今人務苟簡朝夕計匪長譬彼
糞上英萎落隨晨霜沉碑千載後彌憶杜當陽
送王鱣貳擢永昌郡伯

滇中舊日到皇華軼已塗朱駟有加聖畫不教
裁玉斧恩波寧使遍金沙家傳最著三經學國
計能通七郡槎百尺橋成嵩水上與人來往頌

無涯

仲秋四日社集荷亭爲止生賦

介此寅賓地多君汜止勞三山猶負郭八月待
觀濤執戟嘲揚子開觴詠楚騷且無論去住風
雅慶斯遭

其二

北信鴻將到西流火未殘水條垂玉腕雲笈閱
金壇酒已耽中聖歌寧寄遠歡但容臣節逸深
荷 主恩寬

其三

四望何空曠湖光接遠天雉飛過百二鵬奮激
三千木葉亭臯下煙雲閣道連登高能作賦何
必慕神仙

其四

盈盈波上島泛泛竹邊舟翠滴山城暮炎銷澤
國秋欲歸辭旣醉餘景限清謳爲語金陵客能
無如此遊

中秋石橋看月

中秋月出稍遲遲正值橋邊徙倚時山口乍離
雙樹影波心忽湧萬花枝微茫遠火飛螢度斷
續疎鐘過鴈知祭獮不聞簫鼓競數年間作放
生池

贈謝寤雲元戎

芙蓉幕下雅歌閒歐冶池頭映碧山待月中秋
酣客席寤雲成雨去人間奕棋會取淝州捷訪
隱那令剡曲還天作長城閩嶠外未應相顧大
刀環古田

古田令楊南仲過訪併見呈詩賦答

逍遙林下雀羅開門徑春風長綠苔看竹主人
曾不問栽花令尹故能來人經出處隨年異道
在文章致俗猜趨府時常過此地石塘蘭舸任
遲回

鄭汝交招集南園仍過萬歲寺看塔燈

繁星燦燦出邱陵落葉商飈思不勝太白已驚
能敵月中秋雖過尚燃燈東西塔似雙虹遠今
古潮爲匹練澄客散獨歸林際宿知君踪跡半

依僧

福安大尹梁階林調繁海澄詩以送之

牛刀初試七絃張丰采翩翩自五羊佇見新猷
環海淨已留餘澤似溪長分携尚在闕都內遠
近無分漢吏良別後相思何處望遙看日出是
扶桑

送杜仲純還清漳

時有乃
郎侍行

前身好畫王摩詰垂老耽詩杜少陵價重南金
家是寶人爲東道主誰能涼秋已詠無衣客早

晚隨堂有髮僧此返故鄉成豹隱行看令子奮
龍騰

唐宜之僑寓金陵烏龍潭因其行也送之
雖云僑帝里猶是傍潭居喜客無題鳳齋僧不
釣魚山光含翠黛楓葉照丹書諒得聞中趣應
慚獻子虛

徐興公林懋禮陳昌期携樽過訪茅止生
全賦古風一首

有客曷介止越宿仍踰信睠惟同衣者載轡追
古人窮交式携具聊用覘情真佩服皆詩書撫
几焚然陳譬若渴與饑飲食遘佳珍又如十五
區環視肉好均杯觴告在御旨酒懌我賓笙鏞
何必作和樂風謠新華燭照座隅虛徐猶未伸
卜夜云既永勿使中尊塵

李玄白茅止生同到森軒少坐

有園性懶窺月餘不至止因客歎其佳心復生
歡喜每亦與客遊發興不繇已昔來荷尚榮俄
驚葉已毀昨日颶風摧欄干不勝倚僮僕莫予

石倉詩集 卷三
告誰爲一聊理二客皆吳人性情最宜水開軒
俯層波微風襲肌體樂茲群勝滙庶無孤立恥
奈何去住間瞬息分衣背獨有青山暮相送情
難已

小金山送唐宜之時予有鼓山之行

別思亦從容言携孤嶼筇江流亭面濶塔亞樹
枝重淪茗秋濤小披衣夕露濃五更分棹去予
欲策東峯

候潮

江上移舟時潮生已尺許舟過第二橋猶待潮
入浦

登黃石廟

黃石去不返遺踪雲樹間鄉人晒谷石疑是穀
城山

子房溪少憇

溪聲瀟瀟鳴聽之自忘倦中有小洲橫清流屢
迴轉

夜宿白雲廨院懷興公汝交

石倉詩集 卷三
舟車一日倦借榻下方眠遙思二三子坐月湧
泉邊

聞鐘枕上作

梵唱寂不聞鳴鐘尚知節月落海潮生村雞啼
不歇

九日上湧泉道中見運材者

晨曦已出林客病強登臨遠瀑穿巖竇孤亭代
樹陰江門時向背雲路入崎嶇那許相逢處聊
爲慰勞吟

無錫 喝水岩同興公汝交噐之少坐

兩壁若相拒其中宜礪流豈因礙趺坐遂若割
鴻溝秘壑浮江遠題名雜蘚幽祖師下轉語應
使水迴頭

到國師岩

徑穿樵子跡岩有國師名曾受人天供偏多邱
壑情蒲團猶掛壁火食斷炊爇對面看松樹當
時爲降錫

鼓山上院法堂臺前登高仝興公汝交懋

禮器之履徵上人

籬菊初含野菊開
天風祇隔石門隈
客嘲老友携孫至
人憶參軍落帽回
海島此時看去淨
沙門若個辯為才
憑君借得如椽筆
記取同登若臺

方丈小飲懷博山禪師

相傳九日會忍使一樽賒
海月當空正松風向壁斜
儘容居士榻却做戴逵家
小影燈輝徹能無去住嗟

佛殿苦漏鄭汝交捨錢脩之志喜

有漏非功德無期發意新
空山禪誦罷匠石運斤神
讚歎仝耆宿成功賴吉人
生還皆瘴癘努力致前因

余先以舟歸江上口號二絕

猿鶴山中認故巢
喜於相聚怨相拋
方嘲有客來何暮
今日先歸轉自嘲

老大深知筋力疎
一程猶自嬾乘車
舟行未得潮風便
且展篷窓半日書

陳泰始直社演彩毫記余因病不赴分得
二簫

季秋之望雅盟招似惜秋光在此宵觀樂獨迷
供奉曲采薪偏負上皇樵擬陪遠客開樽笑閒
坐匡牀對葉飄分韻題詩煩見及呻吟猶不廢
推敲

余社中再演
彩毫俱不值

病中戲簡星史仍代荅

美人怨我老其意良不薄今老又多病何時諧
宿約君家溫柔鄉老去亦何妨當年攻著述佳

冶盈兩傍君言夜長夢多天欲曉賤妾年華非
少小卿其有意能相就莫使柴桑落船後

與叔度有美夜飲

老識陰陽患談深可卻魔青燈泛醺醪白首任
婆娑來病似爲癰三杯仍致和浮漚等身世吾
欲問維摩

病復與吳仲奕戲述

性不耽痴奕相嘲雜笑談已饒君一病祇訝我
新叅玉局機堪隱金花燭半含路迷思不出忘

却後三三

鄭肇申過存亾兒猶嘉因同止生藏公少
坐

世講雖云四美俱人生闕陷豈能無憶君相見
猶童穉恠我多愁不老夫墓問故人皆宿草饌
仝開士且伊蒲千秋情誼過從意况乃高陽舊
酒徒

送申青門叅知齋捧北上

祝釐楓陛屬昌辰塞外烽銷淨虜塵
御極四

年當夕月呼嵩萬歲及新春

是歲有閏立春
在聖誕前主

盟風雅應誰氏世篤忠貞有幾人別後相思情
不淺長洲鴻鴈佇來賓

送施四明憲副齋捧

千官闕下候晨鐘日出遙瞻拜袞龍薄海
聖明知疾苦臨軒召對自從容還家不媿錢清
渡攬勝應扳玉女峯金鑑錄成當靖獻漫言徒
效祝華封

送鄧啓周將軍北上二首

石倉詩稿 卷三十一
軍需寧但實金錢更有征袍幾百千珍重女紅
鍼線密遼陽霜雪白於緜

君家先祖漢元侯功業今看涓水流聞道關西
群盜起一時豪傑問誰收

與公直社無菊星史不至

一枝寧負酒杯空笑煞東籬酪酊翁祇爲美人
慵喚起故將秋色閉簾櫳

韻 孤冬朔日社集西峯草堂看菊共用一東

朝來躡屐過園東采得幽香入座中數點粧成
青女候一枝高出白屏風乍疑黃道初頒曆爲
奏新聲始叶宮秋駕已歸逢歲閏依然留駐小
春叢

孫泰玉制科過存亾兒世誼殷勤走筆賦
謝

畫錦衆欽羨夜臺誰與論高情令感激老病更
扶孫世講千秋合文章雅道存離離墳上草零
露遍郊原

石倉詩集 卷三
送杜給諫冊封琉球

草奏曾如杜拾遺濟蹓猶是報君時
星經候得東西景風信便於潮汐池
禹貢原包荒服制夷人重覩漢官儀
直聲海外相傳久不用通名譯使知

送楊大行

主恩爲重此身輕慷慨聞君一請行
漢使却金亭尚在人生腰玉遇姝榮
家居滇服原稱海島近蓬萊似到瀛
漫道無期嗟此別長風應卽是

歸程

荅陳叔度見詠草堂著述

自晒藏書在石倉移舟夜半壑中藏
崇禎已後編圖史新署西峯舊草堂

四庫菁華不易窺欲將哀選盡災黎
休言點綴憑君手鶴短鳧長各自宜

老去分陰惜漫過祇應航奕稍蹉跎
較讐半晌雙眸倦轉借楸枰警睡魔

兒孫私塾暫相移聲有吾依出小池
秋菊春花

不食言和 卷三二
時代謝長年帶草自垂垂

少陵行逕自陶公里曲多爲田舍翁安得似君
爲益友每將疑義叩墻東

洪可遠修菊社因試小優時興公懋禮俱
病不赴

小池初浸木芙蓉寂寞秋光似再逢肯伴陶公
彭澤醉絕勝孫叔寢邱封簾前燈影琉璃淨社
後杯傾琥珀濃底事今朝歡趣減二君因病不
相從

詠隔簾黃菊

輕霜數點隔離楹香氣能過几席清金絡動搖
誰繫馬綺窓無語自流鶯篩風似竹姿添老罩
霧和松色更明幾度欲將纖手摘玉人還畏曉
寒傾

鄧周生園館看菊其子孝廉緒卿侍

羨君喬梓樂種菊應時芳待入金華彥如含粉
署香芝蘭森玉立圖史悉珍藏願以忘年契無
拘父執行

星史病後再贈一絕

兩人全病愈彌覺爾芳年坐對樽前菊經霜色
更妍

月下小臺全采公看菊十月初九日

踰月已重九今朝纔見花小池堪蘸影別圃不
如家石態雲疑嬾桐陰月向斜漫云除架日藤
蔓正交加

贈候官李明府

省中兼攝亦恢恢兩處棠陰覆訟臺今歲稱觴
猶泛菊他年調鼎定和梅馴看雉野中牟跡峻
指龍門八及才似雪肝腸資建白清朝言路正
宏開

名王枕骨杯行

豪飲不可量取出名王額當時大如斗指顧人
辟易戰潰失兜鍪魂亡寄杯杓猶疑在帳中飽
嚼葡萄汁旣醉顏匪醜中枯貌猶澤寧付莊生
枕勿煩天女擊但能漬骨香奚暇數頭責所爭
俯仰間感慨已陳迹

石倉言和 卷三十二
君節餞別茅止生得十一尤
邵園全徐興公高景倩陳叔度林懋禮葉

君於湖海盛交游謂我三山氣味優儘可相依
修菴苑漫云歸去減鄉愁客程紅葉初酣晝籬
落黃花已謝秋欲遣離情渾不易何如盡醉習
池頭

送陳毓海令吳縣

初研發處亦堪游宿學聞時仕最優茂苑近逢
新茂宰花封遙羨百花洲星程別去遵功令晝

錦歸來敢滯留忝在同心無以贈東南民困待
分憂

寄荅周章甫倣莊定山體

東吳司理事堆山剖決如流也不閒况有漕糧
非舊管督催功令更新頒寬嚴得體良非易學
問施爲第一關漫切倚間人係戀賢聲傳播慰
慈顏

仍用前韻荅章甫興復天寧寺事

天寧名勝占江山吊古尋幽趣亦閒尊甫晚年

曾自號御題當日豈私頒風吹香片和梅塢月

湧潮聲上竹關忠定至今靈爽在肯將胡騎動

愁顏宋紹興初忠定李公謫居于此有海月來薰二亭松風堂故址時正虜警故未及之

再送止生

成所何曾夢故園携家僕僕戒行軒數奇亦是

尋常事不灰堪酬浩蕩恩冬煖閩南非正令陽

生雪後始回温凌園未解關門振拊髀應思李

牧存

題吳中秘冊

諱懷賢休寧人以楊都憲璉劾魏瑞廿四罪疏大為稱賞

且加旁註下獄拷死

縉紳奇禍起貂璫事後纔知隔死生君作杜郵

新鬼伯子慚玄晏古先生時予為序野史彼時紀畧被譴幾殆

尚覺披鱗易何日能教觸角平肯把丹心託青

史應看千載有芳名

全吳子野汪穆如茅止生到園內時止生

欲行

幽陰天氣作寒輕落葉芒鞋遶徑行遍地有泉

看水蒲高山亂石向雲傾荷凋不辨玄黃色松

老空傳斷續聲咫尺家園寧在遠年來深識倦
遊情

江上復送止生

昨日泛塘中尚云戀餘景茲辰涉江上離緒已
耿耿况此江上風日色共凄緊惟有一樽酒暫
對猶堪乘眷言登浮邱俛仰聊自省聚首十旬
餘人生已爲永詎能無變遷常若形與影丈夫
志四海所期王難靖因填嬰一身大義胡可屏
予雖在林壑懷憂苦難整敢學巢許流忘情赴

箕穎臨別重躊躇江山此昭炳

社集石倉吳子野全叔度步到

豈惜肩輿費閒行得趣多立於橋上望來向樹
邊過濤白寒汀鷺峯青曉黛螺應詢考槃處獨
自晤成歌

屢顧山僮問家出景致如松皆天目種石豈洞
庭餘荔閣垂陰密楓林綴画疎欲知盤礴興雲
氣濕窓虛

長至前一夜陳京兆宅看黃白二菊得十

四盞韻

陰氣初回不用占朝來小雨已廉纖黃花近臘
猶霏屑白雪迎寒似撒鹽漏靜莫教官燭短晷
長堪試女紅添梅梢欲與幽香接待放南枝出
步檐

吳子野過別

初霽誠可喜相過柰云別不有月成閏還家歲
逾迫况乃建溪灘上水勞牽拽嚴陵入新安更
有灘三百擔囊足圖史度嶺分閩浙一冬已晴
暖前途恐雨雪晨炊餽箸香夕眠寒燼結所忻
見底江粼粼表孤潔遠勝長安塵昔年曾汚頰
人險增波瀾灘高不用設買山苦無資之官仍
不屑睠茲四海內宦途絕干謁惟有貧賤交悵
戀爲悲切願言敦詩書皓首成三益

送林異卿兼柬林守易

潞邱萬里外送子動深悲况是相知約言歸未
有期州城魯禦虜河水遶京師廿載倉曹吏猶
存賈島詩

石倉詩集 卷三十一
黃文學心源六十雙壽

積善之家慶不迷壽星高處正纏奎春秋彈指
方週甲早晚修行但向西虞氏一夔堪樂典河
東三鳳待名齊太常有婦今同志肯惜清齋醉
似泥

泛舟

人世那須頃刻愁看山興盡復登舟睡時卽是
行時路况對霜天皓月流

送吳仲縉之長汀

節過陽生子人行水遶丁閩猶寬歲假歸及戴
春星雪戰詩皆白風期眼倍青陶家元有客寧
問幾時醒

興公傳帖郊外看梅次泰始韻

梅花歲寒姿所競非艷冶繁衍江之南逶迤湖
上下越壑復登邱之郊未及野人家有亭館盡
可以相假漱齒尋白泉聞香赴蘭若閒結鷗鷺
盟不受蜂蝶惹雖云事遊娛還期振騷雅但不
媿古人寧憂乏識者近則師陰何遠亦追揚馬

不食言和 卷三
敢效淵明達攢眉遠公社當其適意時相與傾
杯筆人醉玉山頽月來金波瀉眼前卽千秋詎
必論多寡

看梅到天寧寺

梅花開未十分齊興發來茲樂與偕盡放煙雲
歸島嶼剛留石壁在亭階錯携供具呼僧爨遍
陟巉巖損客鞵何日檀那還寶所免將門逕積
如柴

宿天寧贈印初上人

一年終始是冬春兩度來遊寄宿新隔塢梅開
仍作主片園蔬長未爲貧潮喧浦口消塵利月
到天中轉法輪喚醒松風堂上夢許將消息問
前人

題真武廟壁

山高遊到難僧苦住能安勝集臺前境禪開壁
後單望江唯匹練去地有千盤稍隔梅花塢風
吹竹數竿

松坪

松坪一以坐四望皆瓊瑤香氣欲零亂遊人偏
寂寥留連成野酌真率有山瓢不敢肩輿過歎
枝恐動搖

周邦甫携酌分得三肴韻

梅花如雪映松梢山學垂藤徑易滄舊賞可無
新賞續南枝時有北枝交殷勤地主來相款九
十慈親爲治肴真率會中真率句詩成全不廢
推敲

白泉看梅用泰始韻

時予先歸

簡寂人家徑路繁有時無徑出顏垣花光已見
香成國泉脉堪尋玉一痕似僻馬過仍孔道乍
喧蜂採落殘樽歸時隨興爲前後問爾多尋有
幾村

弔脩明墓

蛾眉粉黛已成煙馬鬣斜封作墓田我亦無情
來過此梅花香雪共清緣

梅塢董履恒招陪熊心開中丞賦贈

昨宵微霰冷禁花際曉晴光益吐葩
日映枝頭

猶是雪風吹香氣入流霞古來相國應謀野近
報 明君屢獲嘉小隊粧成影舞徹隔江星月
送清笳

洪可遠園館看盆梅水仙共用十四寒韻

金樽綺席易成歡况復晴暄變昨寒林下恨無
佳冶至盆中兼得雜花看柔姿不比南枝勁雅
操休吹短笛殘樂府有水仙操池面無波棲鳥睡却驚

斜月照簷端

鄭汝交南園新居落成余携具至仝築者

會稽趙孟遷同安楊能玄霍童崔玉生社
中徐興公陳叔度林懋禮陳有美諸子分
得八庚韻

山僻能隣寺亭開乍列楹塔輪稱萬歲崑體辯
三成宴衍朋樽樂蹉跎吏隱情鬱林無石載扶
荔尚冬榮雅奏吳趨曲言尋越社盟林僧時雜
梵海客不談瀛寒吹徐徐滅燈花朶朶傾支提
仍有約茶筓近清明

臘月朔日安蓋卿直社屏山看緋梅分得

九青

時余病足未赴

梅花如雪遍城垆遠次山樓近有亭霞際乍消
千片白春來依舊滿林青霜毫揮處渾疑綵臘
鼓催時尚未醒媿我不諳尊足術南華空自擁
殘經

趙孟遷省墓三山仍歸會稽詩以送之

生長知君自我閩社中添得一詩人重過馬鬣
沾新淚乍到鷗群覺倍親梅樹已殘嵩嶺雪歲
華應待越江春鑑湖一曲清如許爲問風流賀

季真

送謝簡之總戎歸山陰

遙憶山陰道上行川岩映帶亦多情薔薇依舊
花爲主蕙苒當時謗卽明何計閩人遮去轍空
傳洛詠有遺聲欲將戈甲易農具歸去尚無田
可耕

題左孝婦剖肝冊

勃谿俗所惡孝順神爲格左氏有春秋爾婦明
其節姑病莫求鑿操刀剖胸鬲寧知物有無一

庶能獲難止血痕流但取芟根塞存亡純任
天非由疑與決寂寂身後名賢者代昭雪豐碑
豎路傍過者徒心惻

送周君憲還金谿

寒溪正蕭瑟喜是客囊輕祖德行堪述通家媿
用情杉關爭歲度縫掖擅時名應識雲林好春
光着處生

金谿一名雲林

全龔克廣長至臺看梅

梅花將一月開落半枝頭未入家園看方同內
躬遊臺高如踏雪岸淺復臨流在在皆香氣杯
中亦可求

冬夜高景倩宅全楊南仲并汪穆如徐興
公小集分得聞字

杯傾名酒細論文自笑蹣跚對使君離席豈宜
常踞坐擲梅何必有聲聞

時以梅花行令

詩名社集人

猶少語露鄉音客亦分明發淇塘江上路三山

回首隔層雲

題山響堂

解得絃中趣方知響在山一虛含衆妙上古道
無還與子論心境全非運指間不然滿堂客何
處覓煙鬟

南園梅社分得暗字

欲探梅勝處祇在山之半清樽對月光素壁橫
枝幹峯疑積雪明蘿覆諸天暗梵罷起踈鐘超
然悟禪觀

臘月十五日迎春值予初度全社招宴東
第共用春字七律

犬馬生來屬賤辰時當行樂與斯人半生虛負
千秋業一歲忙看兩度春微雨乍晴籠月色東
風解凍濕歌塵社中雅有相憐意華袞還將慰
病身

送白都閩之登萊

坐閩閩南有重名東方千騎復專征劍從歐冶
池邊淬人向蓬萊頂上行蜃化空中作樓閣烏
飛不夜駐關城奴酋乍解凌園去犄角還期掃
穴平

詠朱畫竹

雪壓煙籠逞絳姿
寧須灑墨更淋漓
就中寫得湘妃怨
血淚多於斑點時

陶淵明像

義熙寧復記春秋
典午江山盡入劉
琴上無絃巾漉酒
晉人元自擅風流

西峰詩稿卷之上終

石倉詩稿

西峯集中

壬申

卷之中

閩中曹學佺著

吳興吳夢暘閱

曾孫岱山華重梓

辛未除夕

歲冬病足返浮山
乍息塵勞意較閒
豈有文章千象緯
祇憑箕踞傲人寰
市喧不避三更雨
名利無過兩字關
眼裏兒孫年盡少
舉杯恒與說時艱

壬申元旦

家筵度歲庶牲陳留得荒鷄唱曉春茶竈幸承
簷際溜硯池初洗筆間塵桃花驟發非時令爆
竹稀疏爲俗貧已足村居兼雨色悠悠日與懶
相親

初四日集楊南仲諸子張園共用初字

園林喜是接隣居况去行臺五步餘野服不妨
過日暝椒盤猶可續春初池頭積雨生青蘚松
杪輕濤散碧虛吏隱知君山縣僻更從趨府狎
樵漁

初五日永陽令王右仲過集西峰草堂

抱膝長吟與俗疎新年誰復問閒居
報言令尹雙鳧到坐看仙萸五葉舒
濯濯可如春月柳寥寥祇是歲床書
休論湖海行藏異總爲元龍癖未除

初六日贈鄭汝交誕辰

今日初逢節假開群仙因得下瑤臺
主人自有南園樂逸足原非百里才
寶瑟乍調冰下指玉樽遙注斗間魁
東皇寄語長生客爲叶熊羆入

夢來
元夕陳泰始宅觀燈時玉蘭花盛開
人生好遊須秉燭况值上元燈影續夜當三五
此爲中杯倒百千猶未足灼灼花開出畫欄寧
須羯鼓催新寒華堂共賞人如玉名卉偏稱玉
作蘭此花江南春之半閩地燈宵已爛熳龍鱗
千片銀甲生鶴磻幾時丹頂換伊予病足苦遠
巡嬾向街頭踏軟塵筵前幸對揮毫客簾內應
無笑整人

詠夾紗燈屏

隱約穿吳縞分明出剡藤迎妝惟半面隔燭也
三層碧草真堪染垂楊力不勝一春花鳥思寂
寂聽何曾

偶閱桑民懌集有老人燈詩二首余爲和
之

白毫光裏影翩躚拄杖行過星斗邊雖是元宵
三五夜如逢上世百千年似將心火還丹熟何
日頭風愈檄傳寄語兒童嬉笑者霎時髭鬚總

石倉詩補 卷三 四 三
三
皤然

其二

豪華不向口中談氣燄雖存已不堪
聖世未應居海北星躔只合在弧南
萊衣戲綵何妨五商嶺圍棋尚欠三
歲歲來看仝爾健千金一刻也須貪

鬼燈

故人空自嘆熒熒此夕相看白首情
但對一輪常皎絜寧須三窟復屏營
金光盡是毫間吐玉漏頻催杵下鳴
寄語梁園詞賦客誰人授管罷先成

鰕燈

水族安能受火攻畫梁千疊素波通
垂鬚欲掛珊瑚樹掉尾時遊閭闔風
斷續似看金鎖甲彎環疑拂玉雕弓
春光如海君須記莫遣殘宵怨落紅

次與公韻寄雪關長老

逃禪不用更逃名白石清泉可結盟
聖箭直從

霄路入天風吹度海濤迎辯才若個稱無礙世
諦應知熟處生漫道宗門今絕響博山猶自有
家聲

送許玉史北上

至聖時危局屢新知君百爾慎持身居官似覺
難今日將母猶然勝昔人鴻藻千秋郎署業鶯
花三月禁城春茂陵封禪原無草敢道相如四
壁貧

題雷九華冊子

天文習豈是私書遭際明時禁已除爾自家傳
知奧妙予因國步叩盈虛狼星何事逃金矢龍
德依然護玉除昔日布衣親顧問衡山元有鄴
侯居

玉華石三獅圖爲開府熊公題時有學生

公郎之應

玉華仙洞毓精英石肖狡狴品字生氣可食牛
仍食虎瑞鍾難弟復難兄崢嶸雪嶺元同色奮
迅天山競一鳴縱使畫圖猶不盡最奇人物本

石倉詩和 卷三
天成

送潘昭度擢江右方伯

泣我閩疆一載經
早膺殊擢自明庭
巡行幾處棠猶赤
惜別茲時柳已青
朝不諱文如炳日
人當執法是台星
知君雅有懷賢意
公暇常過孺子亭

花朝鄭汝交南園宴集

八年四十五春光
惜此佳辰爲舉觴
花向筵人如解語
茗分僧供到來香
林陰演泳看盈畝
月色微茫憶上方
試問今朝晴雨意
幾翻游興阻仍狂

大西洋綿嘉饒巴禮華石國師行日索贈

有宦無婚減却憂
知君不爲子孫謀
字通鳥跡沾王化
髮長螺絲上佛頭
禮失故應求自野
爵班仍似等於周
東溟盡處西溟接
始信星河已倒流

宿金山塔寺贈住持浪雲

金山小道場
賓主亦相當
日覺浮杯懶
時聞潑

墨香石紋穿樹葉簷影迤舟航夜靜浮漁火微
茫幾點光

送鄭漢奉北上

佳節行當三月三更携春色度江南
龍顏喜
望登州捷雞舌香期粉署含芳草相隨書帶遠
垂楊折贈玉鞭堪君家好客當時盛置驛今猶
作美談

送東林無外覺圓二上人歸

師行不忍別南亭三宿俄然半歲零廬岳夏蓮

開處白臺江煙柳折時青丁東水滴雙林清
翠雲生九疊屏每讀潯陽司馬記教人慚負草
堂靈

三月二日舍弟能證西湖直社分得十三

單
是日熱甚

楊柳陰垂綵鷁含山光如黛水拖藍西湖此是
景中景上巳復過三月三家有壺樽猶適主手
携棋局當清談春衣不用裁單袷日與劉伶裸
飲堪

送汪穆如還四明

歌魚底事缺空彈投贈惟存縞帶看
不意遊園淹歲暮薄言歸越悵春
殘傷心詞賦供愁易滿目干戈行
路難為憶風流唐賀監時當天寶
已辭官

立夏前一夕宿鄭汝交南園

崑石層層古雲蘿裊裊新倘非信
宿客終愧賞心人塔影墮清夢鐘
聲來近隣更云堪戀處茲夕尚殘
春

壽熊開府

時陞總督兩廣有鍾林秀之捷

中丞司馬寵兼之獨荷忠忱結
主知兩粵河山歸節制千秋助
業壯襟期驪歌欲動稱觴後
鳳詔親承奏凱時壽國中樞應
更普東南那得久恩私

送雷九華

家在衡陽更遠陞浯溪流水入
湘時堪輿早已遊三昧虞帝曾
聞葬九疑惜別暮春當折柳重
來何日啖离枝追隨况有郎君
伴到處名山好

問奇

和王明初

時以備兵登萊謫戌來
聞因游石倉有詩見寄

紫氣西來獨尚玄
問君何事却南遷
馬援薏苡車中載
呂氏春秋國內懸
榻為徐君何日下
琴追陶令已無絃
東方多難思良佐
且夕金雞下九天

贈尤溪令

尤溪源出大湖頭
惠澤如旒自仰流
案上文公常對越
里中朱邑是前修
秣田不減陶元亮
竹

徑時過王子猷
團扇題詩煩見贈
仁風應得奉揚休

訪商孟和新居

索性元耽寂
移居韵覺新
空青澆宿雨
濃綠覆殘春
魚鳥誰為主
江山盡可隣
知君讀書罷
祇是戲垂綸

靈石和靜和濟二僧招遊答之

僧誇靈石勝
何日遂遊從
為待新秋候
先鳴報雨峰
安禪鶩子室
迎客鹿麕蹤
藜藿如人長
材

石倉詩集卷三十一
九
堪截筆筒

題裴性之小像

名養清

獨處寧須更閉關
蕭然松石意俱閒
顧名家內無金穴
論貌人前有玉山
鳳字君曾題在牖
漁滄我昔釣臨灣
孝廉船泊應何處
劉尹風流迥可攀

送高君鼎之姑蘇

江雨初消碧漲餘
清和仍是夏時初
袖中漫挾通家刺
篋裏常翻太史書
茂苑鶯聲拂楊柳
長洲鷓首覆芙蓉
詞壇最是吳門盛
豈謂今人遂不如

答林豹生

年來病足苦蹒跚
梯磴難移咫尺間
造物有情隨播弄
人生無事始安閒
幾多山水堪乘興
漫道神情了不關
快讀新詩如健翮
雲霄萬里莫能攀

五月朔日直社西湖觀競渡懷陳泰始京

兆

石象詩稿卷三
越調矜採蓮楚些雅舉芷近俗重遊嬉遺哀實
爲喜值此天之中午日方茲始千艘若遊龍旁
觀如聚蟻伐鼓震金石致標紛錦綺冒雨鱗甲
濕破浪酒兵使競驚尺寸力可掬千人指予招
社客看枌榆樂可擬空對橘中仙不見柱下史
彼地戰方酣局內劫猶亟喧寂雖懸殊勝負亦
如此漫云無所爭其爭也君子

初二日新亭邀郭闇生林懋禮鄭爾調

亭成招客飲簡率趣偏長不待微風到先云此

地京預留栽竹徑聊試泛蒲觴四座霏談屑應
兼蘭芷香

金山塔天枰落成和陳偉卿天字韻

時值江漲

流水襄陵勢巢居或此年更無雲着地况是日
中天儵忽枝生肘吟哦葉聳肩禪機誰問答鈴
語墮風煙

午日黃汝遴陳偉卿小飲浮山堂

汝遴萬石山人

爲吊三閭客偏逢萬石君榴花燃岬火葛屨度
江雲簷溜鳴何惡池萍密不分局中休苦思聊

爾狎鷗羣

觀王欽佩集有詠銅雀硯詩因和之

炎祚何能似瓦全篆文猶識建安年池穿不注
漳河水松古惟留上谷煙北苑風流誇學士西
陵寂寞怨嬋娟故宮謾復思鱗次自有才人筆
似椽

真姬病起索名于予因以曼卿贈之

翩翩五絲縷繫臂一何輕密邇能呼至憐渠更
乞名病添秋水色雨響淥荷聲別後袖酬意傳

言字曼卿

送李生石憲副仍擢江右

中臺執法本相連豸繡承恩自九天闔海乍沾
新德澤匡山重續舊因緣門因御李繇來設榻
爲延徐每獨懸欲寫離心此時節麥風吹散建
溪煙

臂山樓避漲看月

月光不在地搖漾淥波深似此陰晴際難窺造
化心石山如臂繞草樹驗痕侵萬瓦晨煙少淒

不倉言和
卷三十四
三
淒動越岑

其二

咫尺樓居穩移床似蟻封鷄啼驚曙速魚戲上
階重星雨何相問蓬麻到處逢夢中超絕處江
外有奇峰

翁君發君實招遊金山觀競渡

江漲朝雖減天然景愈嘉漸當崑骨露不厭水
聲譁疊鼓開煙暝輕標拂浪花龍舟何處闖半
爲樹陰遮

仍用前韻嘲商孟和

乍構禪棲巧何如託宿嘉預愁閨裏婦隔日見
時譁響却春山翠拋將夜合花空江明月共只
是片雲遮

宿金山禪房

次日招城中客

客散奕方休僧貧榻僅留語于禪處寂坐比臥
時幽圓溜雜飛雨對江迷古洲明晨開霽好勿
再不成遊

邀杜言禪師到金山觀競渡風雨大作仍

折簡問湯休碧雲何地留涉江寧憚遠入寺便能幽錫乍飛聞嶠情猶戀沃洲采菱風浪劇莫爲妒斯遊

京兆陳公刺史鄭公目擊舟楫風濤之險發念助余興復橋梁作此實之

風憑鼓聲危亭不可留靚粧津婦妒持呪衲僧幽安得千間厦平鋪百里洲因生功德想不是爲空遊

是日社中諸子多不見赴作此嘲之

塵事出城休如何跡每留翠微流澗白綠葉覆亭幽羊胛淹清夜鸞駮誤十洲垂簾注易者亦願放身游

十一夜待月歸仍用前韻

三朝興未休欲別意仍留縱是乘風快無如待月幽人家如罨畫漁火出汀洲無恙園林在還期作臥遊

送開府熊公赴兩廣總督任

遭逢公罷盛益見 帝心勤雖在深官裏常周
薄海濱封疆尤慎託疾苦必先聞體 國知誰

亟安民靖彼氛鯨鯢皆掃穴鴻鴈已成羣載陟

中樞位仍兼兩粵軍旌旗俄變色爰象盡成文

欲釋東南顧何曾畛域分啓行當此日扳送蔚

如雲赤芟賡周雅玄珪錫禹勲終當干羽意稽

首答

明君

送何半峨擢建南大叅

絳帳談經漢道昌叅藩仍在建溪陽瞻 天豁

處當南斗愛日勤時戀北堂閩海士林傳玉藻

幔亭仙部侍瑤觴應知東閣梅花句若比揚州

興更長

送王鳳來運長擢滇中大叅

三載閩隄惠及商叅藩真見 主恩光祠當金

碧滇池上樹指家山漢水陽行服近停荷作蓋

別樽遙捧荔爲漿伊予出處相依久短詠何能

敘意長

顧箬溪集有僧鞋菊詩因和之

不食言和 卷三 四 五
人世能消幾兩屐高僧行住等空花折蘆漫爾
塵踪繫對景何曾色相差不學楊妃留襪錦怎
如西子浣裙紗落英倘在黃州見堪與蘇公訪
道家

枕上

老年寐常早炎宵亦不耐五更枕上思薄可完
詩債

重過孤和

入君庭戶內幽事不期逢石每令人拜耕猶課
僕慵種蘭皆玉質孽荔到金鐘天末濤聲起微
風在谷松

過林永和梅菴有贈

一樹根蟠古橫斜素壁新應知題館意慰昔種
梅人梁燕初成羽林鷗不受塵江妃誰得似寂
寞是前身

昆玉美人粵西人問予索詩

美人雖獨處亦貴有時名一唱雙棲曲寧論十
五城席間檀板靜掌上舞衣輕我爲并州感非

關下蔡情

安仁王孫談及楓亭荔枝偶有見遺因招

過噉

正爾談楓荔俄堆几案前綠分江處遠紅濯雨
中鮮玉液津津勝丹砂顆顆圓何君爲留客遲
向慢亭仙

槎園雨後

遍園俱是水着處可乘槎樹樹交珠網山山吹
瀑花

北樓安蓋卿直社

避暑聞知飲興狂却疑河朔在高岡坐看松樹
層層碧吹入荷花冉冉香是日翻嗔一片雨重
樓不顯十分涼北山何用仍移檄猿鶴窺人有
數行

邵武朱節推湛旋擢任長沙

持平湛比石間淙先哲相承道義邦畏似楊公
常有四治如朱邑信無雙樵川民臥行時轍岳
麓雲迎到日幢漫道衡陽鴻鴈少夢魂來往自

湘江
七月朔日徐興公直社九仙觀賦得定光
塔興公誕辰也

于山東南勝寺觀亦縱橫際此新秋候來詢古
塔名千花朝影合片雨晚涼生社酒原無禁長
歌介壽傾

題倪柯古壽意

古杏軒前晝景垂
美髯猶未易華絲
圖書儘富何嫌繼
交態雖貧也不辭
月旦汝南無謬許
春

秋左氏有微辭
年年乞得天孫巧
老去還堪補拙遲

客過對奕書贈勝者

老年耽奕理最喜
客相過水面時開
局山中足爛柯周
防能益恣取數自
云多白黑平分處
還添兩鬢皤

送鄧先之任廉州司理

廉州封域接南交
君去持平屬士曹
五馬峰前文筆健
十賢堂上德風高
出劄劔氣冲牛斗
照

乘珠光起鷺濤仕路漫須論險易政猶舟子貴
能操

送莊和君

七夕天孫思新秋客子顏全仍莊氏擊珠向孤
嘗還片月隨行李浮雲出故關東君時倡和退
食且閒閒

七夕方性之招遊金山寺用林履基韻

且勿論河漢愁難渡此江波紋上機杼樹影密
軒窗問巧誰家席觀空有法幢瑤琴君莫拭彈
罷不成雙

寄浦城令楊伏菴

丹碧飛鳧到尋仙路不遐圖書皆二酉絃誦已
千家遠眺江郎石重開綵筆花湧云勾漏令只
是戀煙霞

芋原驛晤徐在廷令君因贈

驛樓秋水欲揚舫天際分明泊使星異代循良
光漢史三年考績自虞庭家標風韻應懸楊澤
遡源流似建甌聞道政成多嘯詠城南高閣有

丹青

送蔡子威北上

冠裳戎壘日，芬殺故里何。曾是樂郊君，有王
程輅已發我，如調瑟柱仍膠中。郎學問繇師古，
晏子平生善與交。聞昔殷憂能啓聖，齋宮語
默盡成交。

送杜言上人

一段才情賦得優，尋常花酒不閑愁。以詩說澹
何曾法，今日欲遊無處遊。白露螢啼方此始，青

霄蠻觸幾能休。媿予不是張無盡，坐斷人間空
舌頭。

題夢瀑齋

青蓮居士絕塵氛，五老峰頭白鹿羣。爾祖瀑泉
名占勝，多君魂夢欲巢雲。時添百尺樓中望，夜
入三更枕上聞。我亦蹉跎負心賞，不知何日臥
匡君。

寄崔徵仲

巖署多羶爾，獨清寄銜惟在武林城。賜環未

見優強項前席虛勞問賈生三竺每聽僧梵遠
孤山時看鶴來輕浮沉吏隱猶堪樂漫道閒居
遂稱情

寄來澤蘭爲諸生林崇高

茂宰能令比屋春閒居無事樂天真每思昔日
和平福愁作今時板蕩民秋月吐華浮水面重
陽載酒過岡身階前倘賜從容問縫掖書生豈
諱貧

八月十二日鄭汝交直社南園看塔燈

四照江山百尺梯開尊仍傍古招提塔輪萬歲
光常轉曲部雙文調始齊日月珠囊垂處合雲
霄綵筆望時題民間需雨方如渴何事輕陰忽
吐霓

十三日社集高景倩州堂

三山風雅喜能存不肯空將一日樽邂逅詩人
宜白社平分秋色易黃昏客須盡興雷喧座予
已先歸月在村若使籠鵝應滿袖臨池猶自覓
釵痕

本齋詩稿 卷三十一
臨賦閣宴集送商孤和林履基之吳下杜
言上人之甬東

陂頭秋水向人清，色比滄浪可濯纓。
不負先君名閣意，請看諸子賦詩成。
行藏緇素雖然別，吳越關山共幾程。
欲問離愁何所寄，柳枝蕭颯看霜輕。

浮山堂社集小引

八月十五日宴集浮山堂是夕也桂魄
初升微雲點綴蓮花漏動泰宇澄清皎
然金鏡之懸迤邐畫欄之照長廊似水
促席生寒對客圍棋界路有如白日倩
人分韻機關微露紅粧

月出初看翳未收，若爲辜負此中秋。
天應有意驅雲淨，山似無根向水浮。
鏡面圍棋空秉燭，袖中分韻戲藏鈎。
美人但怯通霄會，檀板聲敲爲阿侯。

空 十七日金山塔湖放生紀事

秋江休問釣魚磯，坐覆如來法鎧衣。
優鉢花中

多寶現芙蓉洞口一僧歸洋洋已見欣生命局
局空勞戲熬機時與客爽今夜月來應漸減孤圓還
借塔燈輝

泛舟江上觀塔燈作

浮邱塔夜放花燈江上看時倍幾層向月金莖
承沆瀣中天玉柱勢憑陵遶枝鵲駭珠彈落照
水犀燃寶藏興舟子亦知功德事指予回顧兩
三僧

汪君酬大令吳湯日孝廉陳德案明經全

到石倉

無期始出城有客竹林盟境涉方成趣心知不
問名秋容山翠淡月意水波輕應接偏無暇相
持半晦明

其二

雖然來較晚臨泛頗能兼樹豈池中物泉於旱
後添荷穿如敝衲山暝隔重簾暫且淹歸騎江
橋欲吐蟾

題自怡齋

在倉詩和 卷三十一
昔日陶弘景怡情在一岑誰知朱邱客祇戀白
雲深墨跡還添潤塵蹤了不侵雖然欲持贈若
個有閒心

送沈君聚觀察齋捧北上便道省親

宦途踪跡一浮萍忠孝兼全乃正經昔改南都
爲迎養今瞻北闕復趨庭 賜環仍是循資轉
守拙何須更乞靈近事不妨多變異乾坤元自
真清寧

贈張紹和

玄纁於我亦何加祇事蓬蒿仲蔚家詩句哦成
皆白雪杯觴流出是丹霞晨曦近海桑惟樹霜
信交冬菊始花予齒少君才一歲相將文史度
韶華

送陳伯武之南刑科

七年司理在祥刑南省依然見法星仲舉到時
懸舊榻謝安吟處對新亭日明紫氣青龍闕秋
落滄波白鷺汀敬誦風高皇游詠勅何如三祖
信心銘

壽雪閑長老

獅子霜林響徹天家風應自傳山傳以文度世
元無量捨筏爲津遍有緣善九將爲重九節前
三通及後三邊漫須索和陽春句雅思翩翩似
湧泉

秋宵卽事商孤和陳偉卿吳仲緯陳有美

張子畏鄭君發在坐時孤和贈石二枚
老大羞爲少小緣客來微露夕間筵正須縱飲
喧呼趣博得新昏宴爾篇欲拜丈人猶是石况

如雙玉總成田入官見妒尋常事貯在林園妒
更專

移石

鴻飛終日漸於磐鑿坏真如昔段干聞法點頭
元自易側身懷古向來難待施伏虎降魔呪祇
似鮎魚上釣竿到得此中閑換轉干釣一黍也
仝般

石亭十詠

兀坐孤亭對此君參差品石已成群祇謂雲根

能致雨誰知一雨旋生雲

浣石

憶在湖邊叩石鐘冷然幽韻此應同何事五丁
誇斧鑿生成人喚小玲瓏

扣石

石轉江流去不還側身天地向人間五侯七貴
俱荒宅莫倚冰山倚玉山

倚石

縱橫辯士舌空存日誦詩人傲莫捫若使捫心
徒自愧不如捫石更忘言

捫石

非關面壁學參禪邱壑閒應置我便恠得層冰
生脚底坐時忘却舊青氊

坐石

鷄骨如床尚可支遺安不在錦茵施幸無塵夢
來相擾一枕羲皇是此時

臥石

主人杯勺量非賒爲爾開襟飲獨加五柳先生
催釀黍將過一月有黃花

醉石

過從日夕興堪乘不是高人卽韻僧底事北朝
溫內史荒涼一片覓韓陵

語石

鈍根終是要磨礪脫落岩頭見數重須識主人
牙後慧不教微露少機鋒

漱石

寧須五嶽真形佩自是三乘長者車欲認此中

不名言和
卷三十一
三
磅礪趣東君仍傍舊煙霞
乘此朱車圖石

周爰粲長兄枉顧悲喜交集

久莫追師範見兄如見師
好吟爲小許題壁溷
羲之予徃三湘日君來
二子隨通家存沒感能
不動深悲

寄尤溪令鄧燮五

寔產文公地美君初剖符
山川猶重學功令欲
尊朱俊士農先造疲民賦
善通下車有仁政方
不媿吾儒

季秋聽泉閣雜詠十首

有引

友人陳偉卿黃汝遴讀書於聽泉閣時
泉不流者久之偉卿責園丁以疏導而
泉復至聽泉之名始不虛設閣之右脅

竹林桂樹雜植其中且有磐石可坐余
晨起浮山堂僮子折桂一枝入硯頭始
知花已開而泛舟登岼香氣頗襲人衣
是日也兀坐一室尚苦秋熱池陂水滿
鼓柁風涼而客子甬東周爰粲豫章朱

安仁適至林有道周君章因訪爰粲遂
共入林乃先一夕則安仁寔携美人曼
卿宿於納軒故美人亦從焉但謂此地
久缺僧居韻亦頓減偶有禪衲照公自
尤溪松山來正如優曇鉢花不常現也
余袖中取秋露茗旋汲泉水烹之茶若
無色香亦不烈是入空空耶備卿又索
永明家早菊名報秋者已綻二三分大
爲東籬破寂時距重九猶五日耳吳仲
縉將有事於尤溪余兄能永與偕以雲
母箋索余書口占十絕句以紀茲遊且
爲塞紙

其一

水滸重陽近移舟兩岼風此中自涼爽不與外
邊同

其二

草閣來寒聲一泉偶然復倘無此涓涓何以慰
幽獨

其三

桂花八月秋已遲在九月花開尚未覩一路香
不歇

其四

秋光信遲暮猶云報秋早寂寞東籬翁日夕舒
懷抱

其五

泉生白露後茗爲秋露白清韻兩相宜轉覺妙
無迹

其六

片石淨於掃坐此心逾淨蒲團與青氊二物俱
爲剩

其七

悵無僧肅客幸有客僧來松山寺中境於此豈
殊哉

其八

美人能好事隨客移步屨昨夜宿雲軒微寒意
中怯

其九

秋葉時紛紛乍逐棋聲落此際為手談居然有
勝着

其十

數局猶未已臨池興忽動如欲徵書法懸蘿在
巖洞

送朱安仁還豫章

君在三山不愜意便須過我石倉園友朋易得
閒中趣佳台應銷別後魂渺渺東湖思孺子萋

萋南浦憶王孫明年重赴匡廬約携手仍之自

下門

洪可遠宅看菊

韶光瞬息此經過社酒東籬復醉歌何事黃花
傷客思今年憔悴去年多

四峯集卷之四終

石倉詩稿 西峯集癸酉卷之下

閩中曹學佺著

余洪江社中有硯蟬詩未之和也甬東周爰榮以四箒徵書因廣為研頭四詠書以歸之

任擇一枝安何緣泊研端欲分孔壁潤去博漢時官鳳豈連毫吐龜猶用墨鑽詎須愁點染原自戴玄冠 右研中蟬

待取印累累安能出範圍休將池畔水認作石

不食言和 卷三
間磯白日空傳信黃金不作衣南華齊物論感
爾意何微

右研鵲

吐水自鮮芳田田豈就荒持來雖一葉寫出已
千章露漾玄珠色風遺雜佩香他時能結實終
不離文房

右研荷

捧自貴如來青蓮笑眼開還添一斗酒難罄百
篇才對此花王豔從渠力士猜奈何嗟落井尾
石任同摧

右研甌

舟中雜興廿首

翩翩黃鵠羽來下青雀舟舟輕如一葉載得幾
枝秋
欲喚姬人賞辭云疾在身不識鴟夷棹原含西
子顰

解纜時已暮孤窗閉幽獨搖搖燭影中強抱殘
編讀

候官昔縣基今作臨江戍潮平淺岼痕汲者如
歸市

月照沙水淺前行朱可貪臥聞舟人語住在白

石潭

蘆葦風蕭蕭未眠客
心動飄泊水東西不隨人意
夢

東方尚未明舟性與潮習
林低霧露中微帶殘星濕

蔗洲何逶迤竹崎亦對岨
居人屋上炊舟子沙頭飯

上水船載鹽下水船載貨
問予何爲者又手船頭坐

樹外連連密村中稍稍寬
相逢津吏語已過白沙灘

有客方舟來隔窗不相見
哦得新詩成爲君書便面

桀閣江之滸傳聞祀馬仙
遙看崑石罅香火雜松烟

潮回溪逾清石髮坐堪數
日午東風來一帆挂疎雨

乍見船頭濕漁翁已着簑
江鷗如適意點點戲

新波
積分上下岐溪水聲尤駛念彼觀音力觀音名
此始
客問閩南候誰應異浙東深秋烏桕樹不肯受
霜紅
月出江路白舟行還去否上頭灘益高且宿梅
埔口
櫛罷問詩友和來能幾篇爲道吟難就有如上
瀨船

小箬溪門峻可擬昭君村如何巫山女祇作陽
臺雲
獨起三秋歎愁過九日天黃花真可妒幾夜伴
君眠

九日困關携妓登高

縱登高不遠一到武夷菴俗僻無重九樓危每
及三江分衣下帶山人髻邊簪惟有松杉色天
光似蔚藍

過毘盧殿聽僧家談住山事

酒闌過別院，寥落此僧居。幽曠互相致，溪山仍
寂如平階。行鼠雀空谷，卧鐘魚不肯爲。抄化堅
持戒，似初文。下帶山人，異數著。亦外色大
宿五通樓。惟力更春，初無重。亦外色大
樓以神居峻天，因佛界寬。厨烟蒸澗，煖船火映
沙寒。雪意懸朝牖，雷聲響夜灘。中宵問明月，纔
得到簷端。

贈住持心空

好客支公者，清宵菓茗勤。僧寮連石住，人語隔
溪聞。方衲來趨鉢，門徒戒用葷。雖然闔闔裏，喧
寂此應分。

濟興菴贈惟石上人

惟心無所住，惟石亦崑崙。欲托城中鉢，時開江
上帆。墨池濡筆渴，隣舍餽漿饒。最喜塵勞際，聞
經一兩函。

蘭室贈素娟子

禪房香草茂，恰應美人過。霜後生枝少，籬根受
蔭多。助予浮白興，問爾踏青歌。解道儂名姓，娟

娟影素娥

省朝天橋導行者

省視橋成日人行左擔肩已看鼈並戴何事鵲
空填夕度杉陽月朝橫榭口烟相如題柱語咸
道是昇仙

憩塔嶺石珠菴

蘭若臨官路松聲蔽梵筵塔標孤月峻石北戒
珠圓野火雖遺燒山僧不乏緣布金有檀越香
火祀能專

送周爰粲之古田訪楊南仲令君

縣治嵩溪裏人行鳥道邊岩陽驕正暴規水澗
堪憐且莫厭窮路譬如耕薄田臨邛能好事况
值令君賢

送吳湯日還桐城

來非于謁去蕭然祇結三山物外緣竹裏漫過
揚子宅江于猶繫孝廉船授衣乍覺閩霜薄登
柱常看皖月圓別後相期應不淺千秋惟在片
心傳

送王翰卿還金谿

多君才氣自峻嶒清白家風世所稱杜甫詩篇
工集句郝詵科第待聯登折來霜菊傾離盞夢
入雲林續慧燈客裏和予移石詠丈人行得拜
良朋

送鄭爾調之采石謁樂郡丞

秣陵寒事早采石月明多圖畫東南勝江風下
上波使君懸一榻與客眺三峩少尹當塗貴槩
誇太白歌

送桂方伯齋捧北上

時值皇二子誕生而崇禎之五年也

聖人德與天地參數五能冷億算合金鏡錄呈
曾御覽華封祝致亦多男周家孫子如瓜瓞
王業根基在葛覃大慶禮成頒節鉞須公半壁
障東南

立冬日浮山堂社集再送朱安仁

不雨已三月立冬猶未寒預知溪水澀有似別
情難所以友朋至依然文酒歡臨岐卽此是勿
厭百杯寬

寄贈撫州守蔡豈九

與君同調本同鄉漫道荊州識未遑擬峴臺成
懷叔子書經石滿似中郎心常忠厚存詩教職
在中和頌樂章爲問稱觴門下客游仙亦許繼
曹唐

題洪可遠母汪孺人軸子

小春叢菊尚團團天氣微暄月色寒雅操鹿車
懷舊隱名門珂里出新安畫灰教子時操荻剉
薦留賓日饌蘭他日承恩來翟絃漫須王母遣

青鸞

送王仲美還豫章

民貧官復擾俗亂客何遊去躡仙人鯉來招海
若鷗千灘愁客路一葉喜空舟歸有東湖宅漁
竿未可收

送周曼容之粵西永淳

昔未之邕管因君一問津五花洲似繪八桂嶺
連困王化銷夷漢民風識永淳蒼梧雲起處知
必望而親

不翁詩和 卷三
望 周太夫人九十

世祿尤兼隱者稱年來耄耄已咸登
絲絲爪隄宜周盛裊裊松蘿主壽徵
晚景龍章娛雀髮暇時彤管寫青綾
稱觴一月梅花候願借山中不老藤

姑蘇頌君藥薛楚材太末唐禪一清漳王
子實全典公叔度集西峰草亭

有客吳趨與越吟開尊猶對菊離金
繁霜幾夜寒侵瓦冬日無雲午汗余
三石爲朋堪比壽數竿如玉碎成陰
莫言海錯筵間少東望扶桑半

綠林

君藥楚材爲余題壁因賦

近年携孥城西住少構亭臺讀書處
移來湖島三塊石借得隣家一株樹
吳門有客寫游踪遂覺雲山烟樹重
不然寥寥數間屋此地何以名
西峰

陳泰始招集洪氏山樓 補夏日作

避暑袁公飲乘風列子車更當樓曠處
倘有綠

陰遮白鳥翻空下青山映郭斜隔隣鐘磬發知
是化人家

又

累日計炎蒸誰應減復與苔垣衣漸卷荷盞蓋
初升頽曲雖云屢留詩愧未曾因君有高唱遂
削剡溪藤

鄭汝交宅有美人蕉吳客薛君許爲作畫
右丞畫蕉多畫雪雪中時見芭蕉折間或有人
蕉下眠夢醒忽驚白雪白閩中無雪蕉轉新別

有一種名美人歲歲紅顏空自老見人猶自可
憐春

長至日西峰草亭小集適次兒孟表移館
今日稍寒色似因冬至催先王曰關閉客子歎
尊開綵筆雲堪紀黃鐘律始回好將添線意移
向學功來

安蓋卿督陣粵東詩以送之

會勦明旨切吾君閩粵封疆並烏雲紀載
不搖山岳筆追奔應仗水犀軍樓船拔地旌旗

石倉詩補 卷三
繞烟火漫空玉石焚不使鯨鯢歸巨壑海門從此淨妖氛

古水上人壑頭居冊子索題

支硎一壑內聞有古水居日色豈不到霜稜豎
厥初攢眉睨破酒行脚異歌魚邂逅胡云別禪
交故自疎

林守易新園全林莊特曾用晦盧茂才看

梅

花木向陽早城北開應遲不意屏山上爛熳已
盈枝花開間踈密客行任參差席地便當坐杯
觴聯共持微陰靜風日恰與花相宜茲園子乍
構日來費修治木石有真性斧鑿了不施言開
功德水分自歐冶池鉢僧與餉客取給恒于斯
展墓良近便瞻天詎遠而昔爲君捍禦今遂
恤吾私奚必商山曲悠悠歌采芝

守易納姬索贈末以自嘲

世間萬事總由天邂逅相逢卽是緣生長深閨
人不識少春時露一枝妍

石倉詩補 卷三
繫臂羅巾護守宮良宵幾度散輕紅雙眉頓覺
開如許一點梅花落正中
嫁得檀郎是省郎王程相伴豈辭長猩唇嚙處
甘如蜜雞舌含時不用香
清齋何必太常頻清課朝昏悟宿因佞佛肯容
爲弟子習書偏欲擬夫人
明年六十予將老豈似君家尚壯年近日屬爲
游戲事覺予終自費周旋

雁字

鴻寶誰云獨秘收迢迢銀漢是懸鉤風前陣勢
成何巧月下畱題韻更道羽化自無塵俗態筆
畊非爲稻梁謀從今寫得深閨恨不用迴文寄
隴頭

送黃汝遴歸萬石山

但逢客子別寒色動征衫問渡此江寺近家多
石巖常看夜半日遙映海中帆春艸明年長無
忘社草劄

西峰館仝周方叔陳偉卿小酌敘別

園林新雨霽猶得入城看客有後先別梅禁風
日寒問程俱不遠呼酒且爲歡除却酣歌外人
間行路難

全周爰粲周友叔薛當世林恬生諸子過
綠玉齋時與公客古田未返其子存頴
孫器之陪侍

客到偶成社梅開僅一枝斷冰沾履跡寒日上
書帷春信迫殘歲主人歸尚遲兒孫能好事不
令歎淒其

陳泰始山庄看梅

石土有亭臺城中寓目該雨容猶帶雪客數更
多梅僻可尋詩句寒因戀酒杯莫辭沾濕苦携
得暗香回

題天素畫蘭

天素近日畫山水洵稱美茲幅雖畫蘭亦寓有
山水建蘭世所珍葉葉故相似性與蘭同芳復
住建溪裏溪南閣丹青應爲校書起

鄒中丞平寇凱歌十絕

海上軍書插羽毛縱橫狂寇似狂濤逡巡將士
無長策慷慨中丞袖短刀

公行勇決不商量投袂晨興出室皇號令三軍
如挾纊應知今夜宿温湯

定海小埕皆賊衝連江間井廢朝春自從節鉞
親彈壓氣壯干城百二重

賊踪分哨到雙龜銃列城頭莫守裨胸縮材官
奔入鎮不思回首落旌旗

咽喉關嶺賊潛營饋餉安能達小埕血戰但聞
龍哨勇衝鋒未見虎衣兵

三衛遴抽一等軍行糧鹽菜倍糞殮何事鄉關
仍怯戰曾經明主勞臨軒

鄭師劉叔決雌雄水戰無過是火攻忝作鄉紳
憂喜共天妃廟裏去祈風

擒虎擒龍各豎旂先聲恐喝使人疑如何交手
渠魁遁舩艦潛奔向島夷

上下甘塘列陣雄雷霆衝破月如弓敵船殲處
鯨波赤我卒收帆入鎮東

聞道中丞奏凱回兒童爭看擁牙臺霽容不敢
言功德但囑明年備賊來

賣水謠四首

乍聽街頭賣水謠得來辛苦荷來遙城中有水
家家竭鑿飲方知詠帝堯

有水寧論品好低只須河岍近東西三山十萬
餘人戶一日澆腸五石泥
初猶換水用糠糟酒價無如水價高轉轆轉處
無涓滴勝似農夫望雨勞

半年不雨雖微雨側耳未聞簷溜聲明朝起視
無消息反礙肩挑路上行

初度答洪江社

諸君好我似羊何雲錦篇章足和歌許可漫云
千古易知非已負十年多平交未敢當盟主密
邇尤堪共切磋覆轍在前須早誠勿如垂老歎
蹉跎

立春日周爰粲陳叔度諸子小飲有贈

世締文章舊時逢節序新雪珠將照夜霞暈已

生春細問閩中俗閒吟客裏身水仙花綽約宛
爾洛川神

除夕前一日爰粲治具全新姬作

客况雖寥落郁厨亦自携頻將煖歲酒注入辟
寒犀地燠天桃早春新菜甲齊東風應解事吹
信到香闈

壬申除夕仝爰粲叔度能證諸子

漫云六袞明朝是真覺韶光瞬息過寧以枝簪
窮日力不將憂慮伐天和早休豈似夜行客往
事其如春夢婆但使頹頹映紅燭尊前聊復慰
蹉跎

癸酉元旦

雞鳴義利不同趨况值新春正啓途 聖主六
龍符曆數皇天一雨望來蘇浮生自喜登初壽
努力尤當勉後圖儘覺邇來歡樂減惟將文史
代笙竽

過綠玉齋爲雪關上人書字

新詩吟甫就試筆在山齋正值高僧乞欣然當

我懷藤蘿垂玉筍池水落金釵爲問宗門肯能
禁幾度排

初二日過叔度秋室

新春無俗事連日過貧交但教中厨饌何嫌隔
歲肴籠烟桃欲綻移石竹初苞社燕翩翩至應
須覓舊巢

初三日同爰粲叔度飲能證宅

阿弟常齋素西方祀頗專但聞兄有客亦乃爲
周旋行樂耽垂老談新更入年門前河水廣時

詠伐檀篇

初四日楊南仲過小園仝爰粲作

去歲與君杯酒深茲辰仍得奉車音盤無兼味
山中况客有同鄉海畔吟問政問書難置答種
梅種竹未成林愧余遲暮仝樗散拜賜時時損
俸金

答雪關禪師

開士吟詩得靜功有時言下見真空祇緣老子
婆心切恰與維摩病症同滄海白雲開霽影崑

花野艸笑春工，愧予六十成衰懶。問道無由拜
下風。

送雪關還山次韵

公來度衆徧，人天意似嗔。予不上船成佛久，拚
靈運後阿蒙猶是子。明先蕭蕭錫杖江浮葦，燦
燦燈花火吐蓮。時值上元待到湧泉相憶處，孤峰海
月幾回圓。

人日陳泰始社集艸堂

新年開社競韶光，七日偏宜在艸堂。花以水仙
標素質，人于春勝占紅粧。獻酬有客爲吳越，樂
事遺風遡晉唐。此去上元還幾夜，已看燈燭照
輝煌。

輓王日常爲雪關故友

金陵結客與君同，垂老翻悲歎逝中。酒肆狂吟
邀賀監，茶山幽趣傍文公。三生已作夢幻泡，四
大終歸地火風。但向禪師求轉語，不將鉛槧礙
虛空。

雪關禪師過浮山堂正月十一日也余里

洪江上燈時遇雨因成兩絕

一日出余里

燃燈本是西方供師到山堂正放燈恰似摩尼
珠已現風旛何事問南能
當年遊騎咽如雲底事今宵寂不聞莫是因師
來說法座中花雨自繽紛

十三夜城中張燈雨甚同客飲池上

春城雨色更飄颻辜負遊人第一宵新水池頭
燈影倒薄寒簾外酒痕消三山勢欲連溟渤太
乙名聞祀斗杓曲巷笙歌聲自咽不知門外馬

蹄驕

正月十五夜邵肇復治園觀燈

元夕名園樂事并也須天意順人情燈初上日
猶多兩月到圓時始放晴火樹魚龍相競戲隴
山鸚鵡自呼名薰風恰坐薰亭裏吹徧九衢連
袂行

孫子長宅觀燈

祗謂燒燈樂事賒誰知玄室倍晶華文成素綯
陳詩意度合濃纖習禮家劉向藜分天祿閣孫

石倉詩集卷三十四
公賦就赤城霞最憐三五元宵過待得蟾生影
早斜

林守易園館社集

連日杯盤覺泥人招携同調豈辭頻微寒尚帶
前宵雨雅謔應添滿座春柳線璿璿垂雀頸松
枝隱隱學龍鱗退居更有禪龕好經卷初翻不
染塵

贈杜拾遺

風傳樂善自東平閩嶠欣瞻漢節榮壽日正當
春日永台星遙傍使星明祇憂時事丹衷切漸
覺霜華兩鬢生今歲封藩應報命廟謨虛席
待持衡

余里洪江以廿四日謝燈因開社招張玄
逸叅戎共用洪字

談兵原與說詩通席上雄生八面風老去不知
文字力春來尤藉發舒功尊開良會頻浮白燈
謝殘宵趁落紅閩地桃李此
開落相半漫道洪江暫棲止
君家故郡亦名洪

石倉詩集卷三十一
廿六日翁君起招飲公林有道商孟和林

永明觀妓共用瓊字

通家間里復相連
釀熟招呼半社賢
燈火續殘元夕景
桃花開早艷陽天
新聲翠挹尊前黛
舊物青看座上瓊
却笑六旬于我是
每逢歡宴輒居先

送沈公子歸普陽

其尊人自武陵司理遷余郡丞

司馬曹中識百疎
忻言玉樹長階除
啼鶯古驛間關切
垂柳離亭折
贈初節值中和
堪入詠地

過辰西憶隨車五溪蠻
長來迎日猶向而翁問

起居

送王虞生擢河南叅政

分猷南北總王程
極盛春光正啓行
海嶠恩波雖自濶
中原岳牧更知名
十年計及如坻積
幾度躬將似燎平
君到洛陽訪年少
朝無絳灌易公卿

林懋禮招飲野意亭

亭成文酒幾追趨
每一登臨感歲徂
春服旣成

風候早野容將綠水田鋪稍嫌土木虧真勝尚
喜烟雲溢後區身道僅堪留一髮東風休更長
藤蕪

送熊別駕擢滇南

時署邑校士

滇海專城出漢關清風一道使轅攀行當桃李
芳春候士及門墻化雨間神蹟未銷諸葛鎮詩
家偏近盛唐山呂虔已叶三刀夢那遣天涯屢
願環

送董德受國博之任

之官雖愛建溪清半是三山畫錦榮再命始爲
觀國士一經原屬下帷生東萊兵氣看疑蜃內
苑蕭韶聽若鶯亦有故園時在念好將籌策獻
承明

社集閬風樓兼送顧薛二君還吳時郭閬
生劉魚公至

閬風吹自蓬萊島二月不寒天氣和登樓已能
踞勝會飲酒遑復卹其他干山漸失蒼翠色歐
冶潮生猶自波秣言入社如燕喜誰知有客賡

驪歌驪歌且勿動深悲相逢更是新知樂仲宣
有賦歎蹉跎杜曲無媒甘寂莫交情膠漆盟自
今輪奐文章盛于昨花飛茂苑卽相思不待吳
江楓子落

送林益謙兵垣還朝時有典試之望

歌驪梓里盛稱榮使節翩翩指玉京 帝室剪
桐方報命士林振藻待持衡采風入告輸丹悃
多難殷憂啓 聖明莫謂虞廷干羽邈 清朝
元不樂佳兵

花朝後一日邀申維烈憲使顧君藥薛楚

材徐興公社集西峰草亭得峰字

海上干城賴折衝席前樽俎甚從容夢游昔演
邯鄲道詩興今推縹緲峰白社草成看燕度清
池花落聽魚鳴春光半去猶堪惜莫更蹉跎隔
歲逢

清明前五日社集浮山堂見新燕

君不見見春光已過百有一相傳禁烟爲此日人
生窮達自有期底事焚林終自匿諸君修社在

浮山綿上風光猶足述五蛇惆悵漫興歌雙燕
翩翩自成匹去秋別爾情含淒今歲來歸路不
迷新衣尚沾滄海色舊巢仍覓畫欄西封侯但
擬將軍領穿幕寧論戍婦啼年年王謝堂前見
豈必空梁詠落泥

送劉魚公之南雍

籍甚才名劉孝標觀光上國不辭遙鐘山綠樹
明馳道壁水青溪帶板橋方物詎惟陳海錯詩
情兼欲采風謠月中丹桂君應折豈待淮南隱

爲招

送王右仲之任涪州

秣謂雙鳧入九天誰知五馬駕東川平生雅有
文字癖宦跡故多山水緣易學尚傳程叔子詩
名應識李青蓮永陽去後思彌切白雪陽春被
管絃

三月三日荷亭修禊

歲序感恒陰春服已卷袂山川符人思皆欲承
朗霽城西湖址沿孤亭在水汭葑菲云可采豈

必蘭與蕙解紳聿除垢列坐猶擁篲清談亶然
興羽觴邈流次俯仰成大觀今昔等一契客來
何參差尚以他日繼

暮春安蓋卿直社平山州堂

昨也荷亭會天陰傍水涯茲辰續修禊乘霽一
板崖友盡者英似山當日夕佳笑言曾點與童
冠亦云偕

又

頗怪予閩嶠冬春候不分朝霜猶作冷午日已

成薰游服隨單袷浮觴鑿篆文

時新鑿一石
池可流觴

邊花事晚偏自競芳芬

石倉林建侯直社賦席上二物送周爰粲

還甬東

願曲憐公瑾清言預阮咸松花蒸珀醞竹箭啓
瑤函唱豈量沙礫投因應石崑願茲添百斛勿
遽發孤帆

右酒籌得十五咸

小姬分韻到刻燭限春宵薄取羅衫掩虛疑貝
葉飄吟時翻掌易別後致聲遙獨有松間月清

石倉詩稿卷三
光慰寂寥

右韵牌得二蕭

蝶菴爲爰粲題

莊周名偶仝君姓卽以菴名化蝶身栩栩來時
猶似勾悠悠夢去果誰真家園久別魂應戀花
柳雖過思出塵故有鯤鵬齊物論癸云斤鷄擬
非倫

楊青六冊使招飲卽席賦

古驛皇華傍使星開尊與客對芳亭石間綴艸
參差碧竹裏看山遠近青繞座薰風鶯慶曲揮
毫明月鶴梳翎仙槎指日凌牛斗還似酣歌過
洞庭

題海國長城贈于溫麻

百里花封乍縮符那堪寇至在須臾指揮左右
鑊如意命中先聲金僕姑海島氛開看去淨民
巖日照望來蘇公侯自有干城畧糾糾寧勞說
武夫

申維烈憲使招集烏石山園同文啓羨徐

典公賦

石倉詩稿卷三
白蓮社裏今重見
烏石山中此一支
坦率便成布衣飲
幽深堪詠葛覃詩
崑樓雨氣初晴日
海國烟光欲暮時
莫忘賞心吳會事
詭來空負十年期

文啓美至自吳門社集西峰草亭同用二

蕭韻

亭子寬于一掌饒
西峰原不在岩堯
社中客繫吳門駟
曲裏人吹洛浦簫
月意任教梅雨濕
燈光尤忌竹風飄
晴明選勝無窮思
豈必歡娛竟

此宵

同文啓美集陳京兆弟更生新宅共用十

二侵韻

君家有弟奏篪音
堂構新成擬鬱金
白社邀歡今日興
紫荆分痛昔時心
歌僮舞妓前筵盛
古木方崑後圃深
漫道催詩雷雨急
一鈎明月對清吟

文啓美入洪江社雨中臨眺石倉同雙林
似愚諸上人集浮山堂共用八齊

雨裏煩君出郭西林間社客亦招携江山盡入
新詩句泉石如逢舊品題池蒲綠苔舟似屐閣
臨丹荔樹爲梯坐中只少如花妓賸有名僧過
虎溪

酬贈文啓美二首

文家詩乘予曾識後發連翩更有人祖德每瞻
衡嶺月友于賡詠玉堂春老聃去日千言隱季
子遺風十字新作計遊閩先見訪歸途方問武
夷津

君來問我亦何爲出處惟應野雀知難後有身
偏自惜林中少事正相宜詩書便可尋知己造
物空煩作小兒海內風塵無着處汚人寧避庾
元規

送莊學憲奉諱還毘陵

夙訂班荆會當干檄棘時相將惟日望瀟灑共
秋期卿月俄塵鏡文星乍掩帷天何遺一老士
已失芳儀去水偏乘漲過山不問竒啼鵲空濺
血聞雀益傷悲問命猶憑几趨庭罷訓詩長留

不盡意雲樹鬱淒其

癸酉五月朔日西湖觀競渡八絕

虛臺占勝俯西陂
伐鼓淵淵競渡時
越國無諸城尚在
釣龍何似跨龍嬉

東西擊楫在中流
把手招呼不自由
八面旌旂隨意轉
却嘆風力太輕柔

紛紛境社各書名
尺寸相爭不礙情
總是三山城內外
何須辛苦鬪輸贏

許多青艸積湖中
淺水容舸作勢雄
祇謂神龍解飛舞
誰知鱗甲借人工

酒船容與泛波心
挿入龍舟影欲沉
對語風吹聽不見
美人空負繞梁音

去歲劉香壓鳥門
鄭家龍虎蕩烟昏
若此水軍成犄角
那令窮寇尚游魂

戰場雖沸戰塵銷
文士來看力士驕
漫道儒風純不競
秋闈還擬奪高標

汨羅江上葬湘纍
閩俗相傳楚俗遺
今後不須仍弔屈
湖頭新建二周祠

石倉詩集 卷三
初二日鄭汝交招宴河樓觀競渡八絕

谷口高風亦見招東南龍舸盡乘潮利津開啓
排山進第一爭過德政橋

夾岍人家列冶容虛臺曲榭影重重玄黃下閱
蛟龍戰紫翠遙飛劣崩峰

泥融五石上輕湍伐鼓何如詠伐檀聞說拔河
原有戲誰騎八駿更來看

河直形惟一矢多東風偏送采蓮歌龍舟來往
真如織跳擲誰爲壁上梭

良家子弟各爭強威武軍爲百勝場旂上獨標
忠懿境潮頭白馬有三郎

樓懸扁額有輝光科第相仍自福唐借問鄭家
書帶艸何如九節泛蒲觴

誰家載酒復笙歌潮落舟歸興奈何楚調陽春
歌白雪天花散出是瓊河

一年一度須臾樂潮至潮回有淺深若個急流
稱勇退空教舟子嚙橋心

午日啓美直社卽有清漳之行兼以送之

簫鼓城西未息機
琴尊相與入林扉
已看午日賓朋盛
祗惜南遊倡和稀
佳石誰當袍笏拜
綵雲惟逐綺羅飛
三山尚隔吳門遠
計日重來卽當歸

送潘與偕海憲之任豫章

三山屬吏與青衿
載寫板轅見此心
鼓角聲銷閩海外
埭篴曲奏越山陰
丰標孺子亭前豎
憲節滕王閣上臨
漫道建溪乘漲發
如公遺澤較誰深

題許湘畹香雪齋夢研圖

大中丞湘畹許公守越州時夢蘓文忠與語
良久輟寐而起命僮子治圃舉錘而獲一研
天然石質玲瓏飛動不事人工而覆其背視
之則有東坡小像四字衣冠鬚眉儼然坡公
也因憶公年譜有十二歲自紗縠市宅內掘
地而得一硯者豈卽其故物耶于是四方之
詞人銘而讚之者積帙幾寸乃彙成冊刻畫
精婉爲余年家子張葆生手也余僻處海濱

不
卷三
聞之頗後又以循例起家爲公屬吏疾疢在
躬而不克赴旣捧侍之無緣徒歎羨之不已
謹拈一律以志神逞

天然介石貌玲瓏付與名賢醉墨中昔日遊山
尋許掾清宵夢研授坡公千言賦就磨礪熟六
出香飄點綴工遠近詞人傳韵事媿余頑質尚
塵蒙

送葉君節北上應試

清時才士慶良遭綺歲如君品第高千里定售
燕市駿十年重覩鳳池毛延津劒氣衝南斗淮
浦舟帆尾北漕 聖主臨軒清問及爲言巢許
也心勞

送胡獻卿陪冊使之琉球

日出扶桑迥在東樓船高駕侍名公觀于海者
難爲水囑彼蒼兮送好風重譯車書王制外遠
遊人物畫圖中知君韋布存清尚應與胡威問
綱同

送趙餘不給諫還松江

栽花當日見潘安一疏朝陽有鳳鸞檻折朱雲
猶表直人歸趙璧倍加完壺漿父老頭俱白荔
子神仙顆正丹自是不堪棲枳棘豈因鱸膾憶
張翰

北崑奇樹圖

爲李玄白太守題

北崑奇樹較誰佳南國棠陰未有涯今日携觴
同客飲何如聽訟使民懷中枯已似庾公賦葉
茂還過王氏槐聞道使君喬擢去尚畱餘蔭到
清淮

集鄭汝交維摩室避暑

不問維摩疾來乘列子風樹衣浮湛碧荔願寧
輕紅下上諸天直微茫滄海東奕棋踈簟看何
似杜陵翁

送李玄白擢淮陽運長

東南財賦困征求轉運今須第一流際海金錢
輸九塞隔江歌吹是楊州春風芍藥堂前宴夜
月瓊花觀裏遊舊治如臯行部處冰絃猶自韻
高秋

石倉詩和卷三
題趙玉淑父母松石圖

金莖露下絳河秋
福曜當空大火流
人自華封三祝徧
士依廣廈萬間優
連城瑞叶承家璧
兼邑風清載道謳
繞座南山如畫裏
青青松柏映觥籌

酬凌初成見贈之什

吳興山水自清遠
入我閩中不耐看
荔子色香時正美
沈郎消瘦強爲歡
著書但得窮愁易
結客空嗟行路難
不見當年嬾真子
一簑烟雨戀

漁竿

贈鄒匪石開府

雙星遙度法星光
錦繡詩腸奪七襄
坐鎮南天如岳立
行令滄海不波揚
金颺乍動欣秋爽
玉粒初收十歲穰
漫效華封三致祝
但歌民壽爲公觴

再過林守易北山別業

昔到猶荒壤
重來已可家
松膏初沐雨
荔錦欲舒霞
井底潛通脉
空中習作華
惟應支許過
鉢

杖是生涯

贈申憲長

詞壇雅調屬宗工
栢署星懸獨坐中
家學盛傳黃閣老
士林爭羨黑頭公
白雲冉冉來吳會
青鳥翩翩出漢宮
漫道冠裳競趨謁
一樽時與故人同

七夕集安蓋卿聞鐘館

近得庭前月遙看渚畔星
津塗欣載啓機杼思
方停幕映芙蓉艷樽含薜荔
青乘槎如有客奚

必涉滄溟

又

牛女悲交喜騷人奚以歌
言遵秋駕速遞惜歲
華過良夜披棕少殘更掩淚
多支機仍片石空
自伴雙蛾

七夕後三日社集賦得清風從南來

大火日西流清風泠然善
長廊架峰矗層欄學
水篆天孫隔河漢三晨思
猶淺佳人感此懷秋
期恣游行微覺酒尊涼
徐看歌扇轉灼灼籬上

石鏡詩和
卷三
花盈盈零露泫及時不盡歡孤蓬向空捲

贈林有道

結社論詩喜得朋
雲林奕葉故相承
行當君子知非日
不愧中郎有道稱
霧隱山川深似豹
夜看文字細如蠅
聽泉閣畔抽毫倦
半醉佳人半傍僧

席上贈福娘

一艇載秋色
嬌歌揚妙芬
似將建溪水
過我浮山雲
朝槿妬粧髮
晚風吹画裊
若無清福分
泉

石豈容君

陂上同客作

明月乍看好
主人歸在淇
山光與竹暝
併入一塘中
數影鳥棲樹
聽歌魚躍空
石頭猶恐滑
乘棹過橋東

弟脩誕日茹齋宴客走筆致之

予年六十已
衰暮弟少幾年
亦重五足頗
先知馬少游
老不如人燭
之武西峰
近日余移居
去爾河邊
百步餘圍
棋笑擁東
山妓席帽
聊乘下

石倉言和 卷三十四 共
澤車今當七月涼秋始主人有酒清且旨蟬翼
微沾露氣新月輪斜傍桐陰徙客散何妨醉似
泥清齋佞佛猶禪棲更羨齊眉孟光氏寧須怨
作太常妻

獨樹軒落成

雖營斗室內坐此亦泠然樹密藏山影池清得
乳泉抱書觀半豹息響似寤蟬衆謂秋方熱惟
茲扇可捐

送林永奇之吳

鶴鳴其子和好爵不能加司馬爲良吏儒林有
世家似君年尚少美質更無瑕別思隨明月清
光兩地賒

寄許玉史

爲關有善政度世卽玄津山徧遊吳下人今說
許詢彼中多載籍爲我訪先民千里能嘉惠都
忘四壁貧

笄我貞郡守約遊石倉雨阻同蔡孝來商

孟和館中少坐

使君登覽思超羣問我林園在水濱飛蓋何須
風雨妒拂崑空待品題殷提携尊酒難爲興只
尺城居尚論文祗是重來堅有約汀州欲發預
相聞

送文啓美

清漳不欲速歸輪少憩三山卽問津縞帶豈忘
投贈者青尊偏戀別離人吳江到日驚楓落劒
浦經秋淖月新垂老交游俱應跡斯文意氣獨
能真

送邱克九濟南訪朱開府

傷親已不返泣玉終見售何能在家坐去之齊
魯遊隨身有行卷滿意成七州正逢知也在詎
作東家邱

寄朱中丞

聖朝推轂掌東征坐見烟銷不夜城文武憲爲
周吉甫詩書庭謁魯諸生千層華吐峰頭萼兩
派泉瀉地上聲遙憶嘉隆當盛際咸推歷下主
騷盟

送張長正北上

三百風人指無雙國士稱開情尋野老幽意傷
山僧秋月明千里春花發五陵相門衣鉢在應
續慧元燈

中秋社集浮山堂喜張長正邱克九至仍

送長正之京克九之魯

皓月筵初啓浮雲蓋始傾觀濤成七發異郡亦
同情船擬丹陽泊泉邀白石鳴三人分洛社時
二客與予一妓抱秦箏江上蘋花老籬邊槿木
皆白頭

榮鳧鷖欣旣泛鴻雁肅初征擊筑過燕市起處
問暮生秋光憐去住長使別懷縈

劉漁仲直社漱石山房

丈夫生世間出處道不共處則爲泥蟻出則振
龍鳳安能低睂目兀坐如懸瓮古俠有劉生樂
府所傳誦今日復見之文心寄豪縱周行待鹿
鳴求友思鶯唳駕言崑穴間烟雲勢飛動選彼
美少年度曲遶梁棟佳肴與清尊客反主人奉
餘珍出細君纖手作精供知君富才華定發

明王夢他年金馬門毋忘割肉送

送綏陽令鄭鼎殷北上

多君五載令綏陽治冠閩南第一行赴闕諫章
囊已滿過家書帶草猶香冰絃玉柱流風美雪
巘金鏡映日光公等太平須早致余將鼓腹詠
時康

梁孟陔遊石倉有詩紀之并画扇頭見示
予答以古風一首

人皆謂我園有山兼有水君遊獨擅長詩情與
畫理詩宗王摩詰畫學長康氏與余園中境三
者迥相似余頃携孥來却在西峰住城西與洪
江二十里相距尚恨歸日少不若曩時聚幸得
覩君詩日涉以成趣

陳元者何瑞徵過訪少坐

客至便畱坐應知忘我踈老年寬禮節暇日有
琴書吳越語音近燕秦游興舒雕虫雖小技終
戀子雲居

題九松圖爲余母壽

人生壽考誠難得九十稱觴取數奢昔日衛公
歌葦竹茲辰余毋采黃花經眸世態幾升降繞
膝兒孫皆樂加惟有岡頭老松樹青青相與閱
韶華

雨後西峰亭小集

園扉遲至午乍啓客來過怕更言今雨愁應似
隔河聲兼林竹亂瘴挹木犀多盤礴如佳興爲
余灑薜蘿

全陳泰始林守易集陳玄度池亭

手堆崑壑自玲瓏若謂生成出化工沈水香烟
龍吐紫分秋艸樹雁來紅八窗啓閉朝昏裏三
雅縱橫几席中許掾較多山水癖豈因名字偶
相同

茂之至自金陵因招興公叔度同集西峰

艸亭

君來雖意中相見亦意表三十餘年間魂夢常
縈繞邇從建溪舟天旱灘聲小篙師莫計程進
寸如獲寶何繇副所思空中羨飛鳥前夕抵洪

江風雨連昏曉溪漲已無用祇阻入城道只尺
會面難翻令信音杳俄然覩君刺予屢爲之倒
招呼二子來衝泥不待燥非無他親賓聊讓平
生好羅羅四顧坐骨肉情相保蕭蕭燭影前照
見鬚眉老銜杯不下咽語言兼欲悼持螯海蟹
肥鄉味令人飽歷歷詢故知零落成哀艸爾我
數人外存者何其少漏深各散歸長途恐疲擾
連牀願相違吟詩興未了吾欲申斯篇起視東
方皎

初八夜偶有月色志喜

地濕不堪步月明看漸移重陰何計出常照亦
稱奇乍覺煩蒸解如逢隔歲期所遭風雨夜幸
是魄甦時

九日神光寺登高

初晴轉覺雨霏霏與客登高入翠微喚妓不來
虛錦瑟浮觴猶自綴金衣菊名樓臺木石成花
界園沼禽魚總化機移席更于橋上坐月明看
已煥禪扉

卷三
答柴吉民

主人歸何遲客來主不知楊柳條方脆芙蓉葉
已萎一經風雨過草木盡離披桂花發崑際幽
馥猶不移始浮上下澗漸以及清池池上微波
起輕風來蕩之入君心與目寫出爲真詩旣出
園中景與余林間事了無不盡懷但覺有餘美
君原楚國騷復得風人指是故高與深寄于雅
澹裏倘欲叩余衷無竒而已矣

贈熊夷庚郡守

文章慧業本相因夙企高風一問津濁世誰爲
青眼客黃堂獨坐素心人杯中正泛陶潛菊甌
裏常生范史塵雨澤田疇今已徧民登萬寶祝
千春

集商孟和山居新閣共用陶體

季秋天氣炎露寒頗乖節入林尚思裸飲酒庶
無斃同社三四人且有遠來客笑把黃菊枝間
此蒼松色艸閣雖新營位置不可易何必會稽
峰始爲安道宅江霞旣吐紫山月仍生白俄然

不食言木
卷三
雷電至變勾胡匪測雖欲秉燭遊衝泥詎終席
始信籬徑廷覓與市廛隔惟有頽然翁不復受
拘迫

浮山堂雨中吉民茂之有道永明古直汝
一 載長生共用十一尤韻

累日皆酣宴青山觸處幽已應成舊雨直欲送
殘秋燈入松林黑聲添澗戶流菊花漸消瘦相
對使人愁

送楊南仲應朝

嵩溪爲宰頌神明菘菹壇中狎主盟趨府每過
朝夕話臨岐何限古今情虞廷覲 后仍頒瑞
周室求賢重以旌豈必漢家徵異政山城漸起
讀書聲

送福唐大令費仲言

看君材質自天然領劇何曾困少年治蹟循良
真漢吏表章風雅盡唐賢雙鳧冉冉趨雲際五
馬駸駸向日邊
五馬福唐山名漫道貴陽生美箭更須
增重在西川
君原籍合州正予轄處

石倉詩林 卷三
集陳京兆山房

江上聞脩社城南路可尋烟霞堪坐隱泉石慣
行吟隣寺客過便斷蓬秋去深惟應陳酒頌
見古人心

林閻仙携具綠玉齋看菊

籬花風雨後顏色復何如蘿薜幽叢映柴桑處
士居薄霜寒始受亭午暖仍舒好事能携酒非
徒問字餘

送徐龍溪人

覲

江都人

糾糾何曾武士勞干城今日借吾曹身經安撫
功無二治課循良績最高製錦已成滄海色彈
絃渾是廣陵濤入朝諫草囊應滿白簡凝霜出
阜袍

獨樹軒對菊十詠

菊值重陽後月來已不早每于夜分時喚見顏
色好

永陽有佳種致此非人謀千谿萬壑裏爲損數
枝秋

白鷗何皎潔黃鵠復翩翩無心招始下遠志不受憐

霜林異春苑枝葉何相似既道洛陽花依然魏家紫

古樹清陰斜不知非我有平日散空階茲爲黃花覆

小池本新鑿便有清泉注籬畔涼風生墮影微波遡

耽幽恒護惜對局亦關情殘英雖不落下子本來輕

墨君已滿孟雅有臨池興但覺毫楮間幽香遞相沁

十日不出門對菊省人事知爾解相酬特矜遲暮思

爲問萬卷書菊名焉如一杯酒陶公頽然時此意亦何有

禽朱宗遠

倦予林下卧忽覩雲間書書中何所道神交跡

則踈盡以千秋事商畧一紙餘不甘時俗好直
欲還古初出世世間事問我當何如誰爲不二
門誰爲丈室居予將一置對腹內慚空虛聊憶
莊生言忘筌始獲魚

周伯瑾年丈就養潤州過予石倉

同省年兄弟寥寥我兩人好遊如昨日重到十
三春京口懸迎養江頭緩去津園林舊光景一
一記猶真

又

老試登臨力情深感慨多步趨忙地主顧養順
天和失得皆無論憂危可奈何願將堯舜世擊
壤自興歌

浮山堂社集賦得白菊映素屏

盈盈立畫堂莫辨色聞香皎似齊紈月寒添雲
母霜玉有人俱隱金無雀並翔獨對南山晚一
片猶蒼蒼

吉民宿予聽泉閣早梅花有開者因與全

社詠

常時小春候幾點漏梅花楚客驚初見猶疑笛
裏賒叢桂香凌亂籬菊影交加未須愁歲暮扳
折在天涯

送鄒爾敘孝廉北上

俟知堂艸屬先公奉世傳來大小馮月露吟收
行卷內山川寫向隱囊中授衣正值離家日下
榻虛慚問道風遙憶漢廷親射策好將籌畧獻
宸聰

送林孔碩

凌風玉樹本翩翩登第猶當美少年祖德每依
青瑣夢父書時讀貝多篇掄才已獻明光殿度
世堪乘般若船莫訝臨岐深致囑功名惟可助
因緣

送陳昌基

秣謂閒來看菊花那知別我向京華過江以北
客行慎遵海而南民未家宵旰但聞勤極表恩
膏未見徧天涯憑君好對臨軒策未必劉蕡放
逐嗟

送汪君酬八 覲

閩中首邑今維艱雅尚能尋物外閒浮海已看
 虞愿石過家仍問皖公山重來不偶關人思此
 去長留侍 聖顏直北風烟異今昔簡軒詩艸
 又當刊

賀鄒中丞征夷奏凱

自將先令賊膽寒山川攬轡若為看鯨鯢難得
 藏深穴風雨猶知避灌壇蠢爾東夷慚肅慎勝
 于西域取樓蘭從今直徹扶桑表共道軍中有

一韓

訪陳元者寓館

相傳傳木虛山人故居
存焉今為陳磐生別業

日夕校讐倦偶然心想閒言尋吳下客一叩竹
 中關樹暎上弦月臺依丁戊山猶存古人意楮
 屋兩三間

送樊紫蓋太守入覲

憶昔移舟楚江側晤君猶是一縫掖茲當五馬
 臨諸侯曾艸千言誅叛逆直聲原是舊家聲三
 朝御展皆列名試看 聖代元良正何必商山

羽翼成君才富足傾八斗綠字玄文窮二酉八
百數符龍沙讖二千石寄風流守溫陵島寇時
縱橫聞君有道咸銷兵朝天扳轅不可得老我
蓬室徒屏營臨別無一言心事還商確泰清固
非清塵世亦非濁漫傳方外有神仙予聞神仙
無不學噫嘻神仙固以讀書爲真樂

送姜季捷憲長

季捷吾師翼龍先生之季子也初以總憲銜
治屯鹽水利事洎予閩卽署兵海二道時正

調兵南征而福海報警甚急一切兵食咸藉
公爲調度未幾而監試棘闈兩旬餘竣事而
歌鹿鳴之章則公已正位臬司又當有祝

釐入計之行昔詠賢勞茲復見之然公之仲
氏正值枚卜候命命下之日而公到京聚
首相賀足樂也予因爲詩送之并以紀其盛
云

自昔賢勞感歎生因君復見古人情軍興未已
賓興繼報禮先將典禮行解豸班中看正席雁

鴻天外羨蜚聲師門今在頭俱白愧我曾叨孺
子名

送程文伯罷官歸楚

卑棲枳棘羨高飛采菊傾杯正授衣楚國天長
隨雁落秦川月冷抱琴歸官方陶令期云久書
效虞卿願不違眼裏逢人俱困甚此時惟有掩
荆扉

送朱方伯入覲

政如冬日足謳吟三涖閩疆惠好育 聖主用

恩元不測明公施澤固能深邦人此際攀轅送
朝望雄藩節鉞臨寸管愧予成草野緇衣聊見
好賢心

答文漪殿下以朱爾玉來致書

十年銜命到湘東曾荷招携盼睠中負罪再過
肝水驛悲歌徒憶大王風詩仙草聖棲雲榻碧
磴紅泉映雪宮不是朱家能任俠有誰千里代
鱗鴻

百八 送陳道掌之清漳

百尺樓頭卧千尋焰入雲雖攻舉子業那得送
窮文志不因而餒游堪廣所聞漳江龍起處靈
氣自氤氳

送海澄令梁若木入覲

使君主壁向神京兩地攀轅一樣情觀海居然
成勝算殲夷元只是書生朝廷中外分勞逸宇
宙安危係建明善後閩疆今夏着應須補牘慰
蒼生

送松溪令徐維翰入京

讀書好古諸韻事一行作吏便須廢此語古人
已歎之豈昔爲難今反易予謂好尚皆繇心但
問其根深不深苟具深心與疆力何用蹉跎較
古今不見松溪徐大令清光逼人如水鏡目中
似覺無全牛案上攤書癖尤甚三年奏績入鷄
班應識名依日月間臨岐脫却純鉤贈思君遙
望湛盧山

社集分得新粧爲林聲侯賦

簾外三星巧欲逢臺臨玉鏡意偏慵梅花點處

應成媚柳葉開時不要濃
一抹遠山凝翠黛半規秋
水照紅蓉
画堂坐客詩成久何用笙簫奏
曲重

黃汝遴林建侯汝載三叔過浮山堂少酌
欲剪燈前燭言開竹下庖偶因遺海錯便可當
山肴池涸知魚舍林疎見鳥巢歲寒時欲速惟
有戀貧交

姬人有喜種菊者憶其為侍兒時抱衾裯
入森軒適並頭菊開志瑞今十年矣予

喜晚菊滋茂因以詠之

姬人年尚少雛卉晚方榮
夜玉皆新種秋金若鑄成
匪因資首飾欲以娛心情
並頭曾紀瑞笑問彼時名

送戴符九

之子瀟然致為儒好是閒行游兼坐隱歸計有
深山沙听流方淨楓林葉正殷羊裘如不薄穩
臥釣臺間

送吳全甫還楚

石倉詩林 卷三十三
文星忽欲離閩闈多士皇皇失所皈功令自應
還故物閒身那得遂初衣五雲臺上期將至愛
日庭前願不違湘浦梅花報消息每于冰雪見
春暉

送鄒中丞歸筠州

羽書聞警輒親征韓范軍中自有名正值功成
時事變忍言公去雪山輕一宮如寄元非我衆
口雖譁不厭清惟有碧荷峰頂月夜深常濯露
華明

集高景倩松雲館

客爲柴吉民陳
元者葉撓仲

蘿薜陰陰霽色開寧煩折簡更邀來西風乍緊
仍飛葉斜日應催欲綻梅燭引九枝筵卜夜地
浮三雅客銜杯天涯歲晚深相戀莫待臨岐首
重回

西湖二周祠落成陳泰始直社與客憑而
弔之各賦二律

精忠闡徹九閭呼司理當年子大夫嘉石平反
猶見肺斷金良友可捐軀澄湖水面雙清似大

石齋詩林 卷三三
夢山前一覺無正氣自應垂宇宙漫分靈爽自

姑蘇

右忠介周公

開府東吳似庾公頻將白簡動 宸聰不愁闕

下刑書濫抵恐江南杼軸空漢室幾成朋黨禍

熙朝尤數仲興功易名重典今雖缺一體猶看

秩祀崇

右棉貞周公

雙林六十初度

上人自號作庄顛破衲長披夜不眠宿業已消

千佛懺閒身惟結萬人緣勸余勿墮輪迴債與

爾通爲六十年往昔空門嚴戒臘于今僧俗也

同詮

和白燕

尾拂并州快剪刀輕風陣陣送霜毫玉關乍識

封侯相銀海空沾寢殿膏

用驪山陵事

不分春山鶯

喚友秣疑秋水鷺爲濤漢宮妃子名誰似故自

翩翩舞雪高

至日龔克廣直社南園分得生字

欲知殘歲迫又是一陽生老去愁懷短朋來樂

石齋詩林 卷三十一
事并負暄依樹影不凍有泉聲計日南枝信書
雲北闕情臺臨仙像古線益女紅精改席行吟
適談棋坐隱成鳥棲幽壑徧烟薄梵鐘清夜半
遲山月來茲水面明

送鄭聖集之粵

門垂書帶鄭公鄉玉立丰姿更頡頏闕下論文
盛推轂社中脩禊憶流觴南游豈效虞翻歎北
上因資陸賈裝君到羊城最高處七層樓映七
星光

雪關長老五旬學徒索詩

我已六十師五十算少十年仍有奇道妙早探
無始訣世緣能斷有情癡應酬高座何曾省獨
臥津梁不覺疲試看雪中鴻爪跡雪關關板更
奚疑

和蔡孝來贈韻

蘭生何必忌當門舌在空勞歎莫捫公有陰陽
消長慮勝于道德五千言投閒祇是安愚分宜
勅寧煩動 至尊春到北山薇蕨長不知何似

有餘詩林 卷三十三
楚芳蓀

余再起家

勅書荷蒙

御筆親增數句故中及之

發舟臺江遇霧

海霧迷清晝開帆不見山風濤何處吼蘆葦寂
然閒祗覺乘潮去何能辨路灣須臾紅日出爲
破白雲關

墓亭落成志感

六十事方舉亭成尤覺遲我來省墓日正及看
梅時父子有安宅形神無外馳倘携妻子入深
慰鹿門期

重到天鑑岩

縹緲香爲閣參差石作林乍開梅處白方徙突
中黔有洞何不宿無詩祇費吟江帆來往駛甚
似客游心

泊舟鼓崎

月落方停棹林昏但倚筇雖然不入寺此際已
聞鐘漏轉鴻知候沙明虎印踪怪無塵俗夢枕
畔逼芙蓉

登黃石嶺看梅

石倉詩集 卷三
遠近皆梅隴山窮又向他板躋黃石嶺坐閱數
村花川似長虹遠城臨列雉斜較量形勝事無
暇及桑麻

子房溪莊園小憩

時對客奕有僧
以靈石茗見寄

辟穀留侯氏何須積乃倉但聞溪水響亦足清
人腸勝負仍棋局空談挹酒漿遠僧携茗到快
瀹乳泉嘗

晚入梅塢

時與濟上人往有歌
妓方散聞余到來會

乘興昏投谷疎枝也覺香祇能分夜色未盡放
春光偶值塵緣湊都將空色忘林僧揮麈裏誰
識間紅粧

晨起再入梅塢深處

此地松林古梅花點綴新較于昨宵看尤勝幾
枝春隱見寒江色朦朧曉日輪最堪幽賞處尚
未到游人

茂之歸途訪陳振狂余不克偕作此寄之

盈盈一江水梅塢卽芳隣易得新枝榦難忘舊
主人因風還致訊良友見情真縱話金陵事無

如故里親

予歸值侍兒新上頭索贈

閨閣方稱慶閒游亦算程似將邱壑意付與黛
鬟情小雨集維霰東風吹復晴落梅如點額添
得壽陽名

西峰集卷之下終

石倉詩稿

六四詩集丁丑

閩中曹學佺能始著

曾孫岱山華重梓

元日過徐興公卽事

去歲相過雨茲晨喜霽臨不知元旦食但覺午
時陰荔瘁殘水色桐畱未爨音是何籬壁內亦
有妬書淫

時興公所積書
爲人盜去甚夥

其二

子昨期出門恐于貧無補余雖蓄此念未錄申
一語干謁向人誰過從聊得主亦罔卹其餘陶

石倉詩稿卷三
陶酌春醕

初二日社集西湖用清許亭名二韻呈應
直指

獻歲來湖上亭臺已落成民謳不日速境沐惠
風清好鳥沾新樹閒鷗戀舊盟芙蓉北山色併
入棹歌聲

其二

移樽復泛舟竟日何容與遙指冠蓋倫盡赴湖
中嶼佳人大堤立殘梅攀幾許宛若湘川傍弄

珠意輕舉

穀日龍首亭招應侍御元肱

徐興公陪

鷺嶺來乘使者驄亭名龍首亦稱雄觀風爲布
王正令祈歲還占帝穀豐月已上弦侵澗白江
應如練吐霞紅布衣承飲千秋事太史書星德
聚同

正月初旬迎春

十載王正十日晴春光有意待人迎牛欄一出
犁方舉熊軾雙瞻路已盈縹緲青皇臨綵仗續

石倉詩林 卷三 西峰六四 三
紛白雪叶瑤笙東君勿遽傾餘瀝今歲還看兩
度并

詠冰燈

去歲天寒甚閩人始識冰飄零空滿樹鏤刻可
成燈薄處光彌見消時氣欲蒸想無嫌燭火祗
畏太陽昇

雪燈

九微何處艷六出亦云殊白戰攻斯下丹藏點
也無鷲毛籠雀燄郢客掇驪珠柳絮和烟起詩

成擬阿姝

看春日到鼓山湧泉寺訪覺師次日遲全

集生至

早起行春日車騎紛如雲觀春事甫畢遂若渙
其羣聿遵阡與陌因之谿谷濱土膏憤以發細
流韻粼粼

閩南風氣殊交春梅已落去歲值嚴寒蕊畱未
吐萼轉見氣候佳幽香遞林薄客行誰與晤差
爲慰寂莫

鮮霞在海外外掩映岩壑間深樹雖云暝餘光尚
可扳初來氣覺塞到乃天宇寬法喻世出世明
晦相循環

山深老衲閒客至亦無喜常年此時節相過成
故事日夕塵勞中行陰遷流易但願菩提心增
長入初地

永嘉一宿覺乃衍曹谿宗予茲已載夕不省崑
頭鐘追隨龍象侶狎此麋鹿蹤河山境易變宗
靜機難逢

元夕後二日相集黃元常龍首亭賦

客向雲邊集山從寺裏登遠峰皆吐霽幽壑尚
藏冰白社修三雅丹樓對幾層林銜初缺月市
競欲殘燈墅賭玄暉奕房依惠遠僧虎頭癡絕
甚龍首勢馮陵散步芳春徧清歌子夜仍爲詢
黃叔度千頃底須澄

贈林榮卿

補其臆月誕

口說清閒可笑予看君無日不閒居江山獨挾
幽人藻門巷相過長者車白社久稱鄉祭酒滄

不倉詩補 卷三 西峰六四
洲時狎老樵漁前村早見南枝發歲歲尋詩樂
有餘

壽張恭錫大尹爲諸生題冊

三五元宵自昔傳中甸閩俗尚燈懸從來漢室
多循吏漫說張星本在天冬雪早占田稼碩春
霞初映海棠鮮門生盛過三千客祝壽翻爲講
德筵

春日雨後邀黃大次運長并社中諸子集

補山禪林共賦

林表明霽色城中增暮
寒用首末字爲韻

擬爲今雨集沾濕在蘿襟不意逢開霽因之暢
入林山容嵐氣補殿角晚霞侵大雅如唐代猶
存法鼓音

其二

跡寄春城近依然衆木攢燭間團坐密談處屑
霏寒竹葉杯方釀蓮花漏未殘使君新句就應
得夜珠看

集林孔升嵩山艸廬仝黃元常賦

春光若爲故人淹好鳥竒葩不隔簾臺榭猶存

前代跡階除已接後樓簷樹因避石多成曲峯
盡藏雲間露尖每遇社期俱有酒攢眉何用學
陶潛 主人長素故云

贈馬岡伯將軍

功業今如馬伏波古來名將未能過漸看兩越
銷烽易自是三軍挾纊多布陣相生竒與正投
壺合見雅爲歌江南半壁金湯固餘潤寧云九
里河

邵肇復鳳崗艸廬雜詠十二絕

入山雖不深入林旣云密一徑如垂藤東西亦
屢易

相期余早至一爲款荆扉令子能留客經春住
未歸

未卽入中堂先眺亭與閣浦潮侵岍痕且復環
林薄

桃李非殊種容華寔倍妍似于花葉上簇起一
重煙

初謂林構易何必煩將作分來架上編深居始

有托

城中日相見只此二三人不意來深僻依然鷗

鷺親

列坐言談頃空江雷雨至何事蟄龍吼在此飛

鳳滌

雨晴閃微日忽復雨聲譁風颯幽林響重驚一

陣花

倚杖出門外泥深趣瑤席林中有清課不外書

與奕

會食午過時蒸藜上頓前不貪肉味美爭噉菜

甲鮮

微日淡無色新寒如在衾不用携燈看春流幾

許深

夜眠何甚酣囂塵亦已隔鐘漏遠不傳雞鳴東

方白

黃元常徐與公見過因游西湖

兀坐齋頭對此君閒遊率爾便爲羣許多烟景
隨鶯住強半春光與客分久雨乍晴花盡放易

寒成煖酒微醺墨池何處尋遺跡大夢山前雜
暮雲

贈邵練要

路遠西禪兩渡深成蹊桃李自陰陰客來遇雨
班荆坐讀罷看雲拄杖吟題鳳豈須嘲俗意雕
龍原自出文心簪纓蘿薜非殊調千仞岡頭待
振襟

送張恭錫大令還樵李

爲政何須赫赫聲民情安處卽交情雖云惆悵
三春別不礙清華萬里程古驛晴莎徐放鷁兩
湖烟柳早藏鶯幾時旌節重臨此漫道西川雪
巘輕

送吳田年比部還朝

擁傳吳山不入城却逢江上蓋初傾世交媿我
爲淪落大雅于君屬主盟北闕西曹兼翰苑弁
州歷下盛詞名前賢何事誇當日賸得賡歌詠
太平

送馬還初還朝

石倉詩高
卷三
西峰六四
艸

式微吾郡不堪聞起色光輝賴有君環賜夕郎
初啓事榜傳春信欲空羣仙舟遠載吳航月御
柳晴眠薊闕雲一片真心相係戀簪纓蘿薜豈
曾分

送鄭疇州之金陵

白下三千里君今一問津但聞江北亂無救客
中貧王氣周靈寢兵氛接近隣鶯啼當四月猶
似惜殘春

上巳日倪柯古直社西湖新亭分得六語

韻

緬昔永和年羣英集蘭渚未聞有雕峻玄風惟
澹汙當其意會時一往而莫禦六合等秋毫無
分纖與巨得魚信忘筌乃足攀嵇呂今胡獨不
然建立環邱堵誠恐漓天真惜哉誰爲語因君
弋古流感慨復延佇漫爾同人樂宜然飲我醕
代謝亦何常逝者已如許

送徐興公之建州兼簡顧韻叟使君

老興全無減閒遊不爲貧楊因徐孺下交與孟

嘗親竹色籠清晝鶯聲駐暮春那堪溪棹發又
值建流新

其二

千里途雖遠之孫鎮自隨幸聞吳會警不起越
疆思地主依文緯山仙覓武夷能無忘舊好而
不寄新詩

送葉碧潭出守平越

遐荒每荷主恩偏太守應資計部賢仙洞尚
存臺禮斗相門終有路朝天岩當銅鼓盤龍甲

江出牂牁飲馬錢知爾黃堂時坐嘯蠻歌幾處
和秋煙

天鏡崑僧惠茶

田頭乍插禾崑腹已採茗節序在雨前澄泓自
天鏡清風兩腋生道味枯腸沁問我何時遊月
弦始相訂

四月朔日仝周爰祭升度克廣集魏仁者

竹園

扃戶日無事叅同注已成客來非不速憶極是

石倉詩林 卷三
平生把酒薰花氣敲棋應竹聲石橋池上路猶
作送春行

送蔡子威出守肇慶

佩出銅符自漢廷端州應喜福爲星臺名寶月
如懸鑑井滌清風有典刑千仞藤蘿猿挂峽兩
厓波浪鵠奔亭辟雍古學頒行久坐引章縫問

石經

集綠玉齋聽游元藻談流寇有述

莆陽稱三游茲復逢二雅聲名籍詞壇踪跡徧
天下奈何丁運衰遊道不相假漢廷公與卿誰
爲長揖者去歲客瀟山寇賊滿郊野號令疾于
雷火光爛若冶城破邑爲墟肉糜人作鮓蒼茫
天色黃漂沒河流赭當其殺戮豪笑歌上征馬
但誇得意詞鬼多人聽寡君雖在亂離記憶猶
不捨敘述杯酒間盈盈淚堪把始願懷首邱詎
云得修社殘春在竹林新綠透窗瓦鶯啼曉而
長客心爲之寫

送鄭孝直遊支提兼寄崔徵仲

石倉詩稿

卷三

西峰六四州

七

頻年不赴霍童期把筆空題送客詩笠影幻傳
浮海濕茶烟香裊出林遲遨遊踪跡何當少雅
俗胸懷便得知谷口倘逢西叟問躬耕尤與子
真宜

與謝金川甥

謝家庭際樹羣玉自森森世稟義方訓獨明高
尚心清和當首夏濃綠徧甘霖朋輩稱觴暇閒
談遍古今

送解伊人北上攷選

清獻鬼標叔子慈十年祇似拜官時錦江與我
遨頭宴峴谷何人墮淚碑相業繇來資宅相詩
囊兼入采風詩輶軒屢過衡茅下會面翻成折
柳枝

送沈鉉臣北上考選

時艱允濟屬才忱留意咨諏品藻精朝史已推
詞苑貴邑人惟頌建溪清觀風每與詩情合傍
日何妨吏隱名遠近相關非一事漫將騷雅哆
同盟

石倉詩和 卷三 周方叔陪貢入省邀集龍首亭

祇林久不憩僧房漸覺陰濃夏日長有客來尋
真率會爲人笑作嫁衣裳澗明乍歇前宵雨風
暖纔廻隔歲霜倘問亭名何所取宛然龍首在
秦岡

題萱茂蒼松圖

萱艸夏時芳松鱗歲久蒼體康鳩廢杖子盛雁
爲行肄業趨東序承歡在北堂正于蒲節近應
捧紫霞觴

陳榮子齋頭仝林異卿陳磐生吳仲緯

爐香何縹緲盆景亦清鮮風颺海棠節日烘梅
雨天客來無別侶棋罷不妨禪醒醉皆成趣聊
依石榻眠

仝黃元常范石生洪汝如陳季長林公臣

廬鶯峰諸上人集西隱寺

鶯嶺西郊外鶯聲四月天風來棋墅爽雨霽墨
池鮮竹壓香厨冷荷傾翠蓋偏林僧與詩友此
地足畱連

送程敬之因訊其兄孟陽

三山朋輩說程生
俠氣交情似阿兄
張儉籍中曾預黨
趙衰門下復推嬰
閒來細閱興亡傳
老去惟憂物外名
何事羣公當戮力
江東流寇尚縱橫

閉門

閉門無不可
花事况闌珊
坐惜此餘日
能無禁暮寒
山光飄積翠
池水沁流丹
獨有東隣婦
嗔余不與看

竹岐舟次閱楞嚴經

賤性喜幽獨
舟中無客來
竹聲和梵唄
松色映經臺
不作文字障
頓令心地開
山河空大地
無處起塵埃

小箬溪遇漲少泊

舟行二日間
遲速皆不意
乘風暮舉帆
遇漲朝復止
隣漿遠見饋
賈舶俄成市
曲岸沿疎籬
環步以終始

薄暮發舟之大箬

大小箬名村兩溪爭一門欲窺新漲跡已沒老
松根力但乘風便篙將觸石喧境當竒絕處舟
子暗驚魂

抵困關林懋禮見訪因拉過酌

朋來如宿約路狹不容車澗腹穿松鼠溪毛啖
竹魚人生真寄寓日月任居諸得續開尊會沈
吟六載餘

江樓夜坐

登樓宜夜色况乃近江聲境已入超曠神其遊

太清客舟如此屋僧舍類蓬瀛積翠山當面層
層洞壑明

過匪石上人

詩僧是故人破衲不沾塵解却禪宗理閒于筆
墨親蘭荃香並化泉石韻彌真媿我恒河照年
年跡已陳

洪可遠招別業因懷其令祖汝舍中秘

崑石誰真似天工人巧問月來山不掩閣在水
之灣疊磴垂蘿密孤雲去鳥閒嵩溪元八景曾

憶棹歌還

林閩仙招泛困溪

一掌嵩溪地舟行亦戒心日光全已澹風力轉
難勝荔沁杯中味蓮開石上音月明猶有待曠
意得來深

贈別馮猶龍大令

遲君無別徑水次卽雲涯勝侶開三雅清心度
六齋暫然拋墨綬旋得傷金釵河尹風流者寧
妨韻事偕

夏至

不記來時節驚聞小至名漲侵沙脊沒耕篆燒
痕明嘿嘿聞香氣喧喧見物情法門元不二何
處學無生

劉南征招飲舟中仝永和賦

榕樹亞窗綠榴花欹髻紅方舟三婦艷斜日半
溪風馬步圍棋疾魚羣聽曲終仙游何必遠已
覺步虛通

競歌午日集龔克廣陳景宅觀競渡

競渡南方徧困關，倣此名祗憂三楚亂不散。
九歌聲伐鼓空潭，應跳波觸石驚朝來。
新漲發已見列灘平。

見列灘平 李仲休過訪與談曹山塔嶺因緣

雪溪全受謗，心境轉清涼。
佛法世間法，名場皆道場。
曹山新建立，塔嶺舊津梁。
任運隨緣去，渠成水亦長。

送黃大次運長還廣昌

予于林下久閒作汝南評，最喜文人執傳言。
運使清離津，爭日夕末路見平生。
送送那云遠離家，近幾程。

其二

信宿山中寺，潭生閣上烟。
雲霞時現景，晴雨各分天。
世態仍如此，交情老不遷。
別懷何足道，只是枕書眠。

送黃元常

試詢來往跡，何者是交深。
商畧千秋事，低迴一寸心。
溪山偶然趣，澗溜自成音。
差勝居城市，紛

紛車馬林

其二

脫巾絕應酬旬日九科頭亦有船過驛何曾足
下樓與君難已已別思任悠悠扣壁吟詩送松
濤答響幽

嵩溪閣雜興

移榻上方處羣真相與游已無下樓想且欲陟
層坵
巉巖不受屨接以虹橋板人言小武夷幔亭峰

不遠

亦是喧囂市獨居清淨場林蟬曳水氣殘日生
微涼

下食伊蒲饌何物泉甘美嵩溪亦曹溪分來一

滴水

聽曲雖云好心憐倦亦存不如聞佛號習與共
朝昏

東西山已高溪流不易月獨此一片地蟾輝照
毫髮

忽爾相呼至傳杯五六人何曾歎宗莫形與影

相親山已高溪流不長月皎然

江上見燈光應疑問何處誰知碧紗籠挂在古

梅樹

泉白韻琮瑋松青濤縹緲扣于石壁上和歌至

天曉

獨坐明月好客過風雨過少須開霽後又是月

明多

予友洪汝含有困關八景詩因以絕句和

之且志感焉

塔嶺石珠

木石無心解唱酬祖師言下見風流為詢塔嶺

珠光現何似雲堂滾出球

困關泛月

兩山高蔽月光幽人在中流皓魄秋貪看一輪

猶未側任從孤棹去夷猶

爐阜聞鐘

香爐日照氣氤氳靜眺丹臺夕已分雞唱下方

人未醒鐘聲先到隔溪聞

螺峰砥柱

昔年曾陟武夷宮
螺蚌盤旋九曲通
此地未經開鑿到
千年那識禹功崇

青山夕暉

江水東流漾翠微
層林閣上挂斜暉
游人莫畏

西山迫臥榻
滕王蛺蝶飛

嵩溪晚燒

嵩口風傳谷似雷
千條赤燒映空迴
窮林已被

霜威折猶有咸陽燄未灰

榕驛馬嘶

古驛皇華映樹梢
濃陰蹀躞馬蹄驕
八千里外長安遠
試問朝天第一橋

蓮塘溪唱

荷葉田田似蓋平
鷓鴣陣陣戲波晴
漁舟點點歸來晚
烟際悠悠欸乃聲

送邵肇復起用之蜀

簡命傳來自九天
壯遊那許遂林泉
新秋正爾

過三峽舊節居然鎮兩川流寇豺狼猶洊食居
民鴻雁有遺篇雪山重處旌旗偃杜老相依復
幾年

其二

蜀路巴童竹馬迎臨邛何似武擔城石餘織女
支機迹肆有嚴君賣卜名錦濯一江堪比潔符
分六道亦非輕况今屯政兼郵政念念相關切
聖明

送葉君馨

用封

德藩王妃竣事還

朝

持節雄藩典禮諧王程返命自瑤階風人樛木
綏多詠星使皇華靡及懷目擊流民過碭宋尾
銜漕運出徐淮贊襄勉爾立成業豈撼私情天
一涯

寄姚永言給諫

德藩正使也予甥君馨
副之

青瑣詞臣兩吐葩情深倚玉媿蒹葭身依日月
光華地夢入江湖處士家濤起廣陵看似雪氣
蒸東海變成霞非無促膝深談想奈若雲泥道

石齋詩集 卷三 十一
路賒

竹下全周方叔丘平子小集

何處足清言開樽向竹園
蒲中來二客筍下出諸孫
暑入全無鏹涼生別有門
此時單袷服着體不知繁

再送君馨

追隨猶淨域再送已郊原
忍別看予老棲遲荷主恩
咨詢元使職入告自輜軒
桑梓綢繆計毋忘促膝言

嵩溪閣新亭全玉蘭先陳孔成能證少集

古木新亭上巉崑稍露紋
江流千里抱市隔一重雲
機息皆鷗侶枝連卽雁羣
欲知清絕境人語半空聞

其二嘲席上美人

不關貧衲念來問美人
禪詎作沾泥絮翻思補漏天
時久雨用女媧事曲高因不唱
琴妙在無絃少別黃昏後
江聲亦宛然

寄題支提東湖蘭若

支提山絕頂聞亦有東湖
溜出恒沙淨光涵片
月孤觀空誰是界洗鉢
故名孟莫昔天冠衆携
將海眼俱

寄答游勿鬲 其一爲舊遊 益藩

碧磴紅泉別幾春那知清世作逋臣
一身負罪三千里敢向王門說舊賓

其二爲和紅樓看荔枝之句

予喜生還子拂衣家林時物遍韶輝
太真若問陳娘紫誰似儂家勝畫肥

其三爲見謝選三游詩集

曾翻釋老藏中經獨媿吾儒少汗青
猛力編摩爲補闕首將風雅屬尊庭

其四若見詢近况

鴻雁三山信不傳剖來魚腹素書鮮
問予課看嵩溪閣手注義文易一篇

和勿鬲竹筍詩

密似縫鍼去復旋苔痕雖破色同鮮
東家識性先除地臘月含胎且任天
客興祇須防出入孫

枝尤喜簇曾玄未曾出土藏斑點始信湘妃泣
九泉

和李季美見題嵩閣亭子

酷似維摩原上村年來蹤跡傍祇園更容遠地
朝參絕獨擅清時曠蕩恩

王右丞雖在朝川不
猶奉朝請故云

向義文探至理空於支許覓前根欲從幻境安
心法雨過青天月一痕

寄東湖人舟法師

彼岍良非遠人舟卽法舟觀空爲般若如幻是

真修柳色兼桃媚荷香入竹幽東湖有明月應
許客來遊

寄王東里

嗜學全應在老蒼那言爝火代陽光玉毫現處
曇花滿金粟飄來桂子香易論往還皆至理川
流廻合自成章六旬有四叨仝齒司馬曾傳洛
社觴

寄徐雲林

專城遙擷片霞丹雅度翩翩意自閒賜履東南

天際海爛柯陳迹里中山籌邊聚米形如見公
暇陳詩手獨刪為憶旌旄相過處春風猶在葦
門間

贈徐興公

天將成就聘君賢游道難分考室便但有好緣
俱讚歎更無名士不周旋詩歌七月為衣始郡
仰高風下榻前老眼看書真不厭竹窗燈火尚
蒼然

壽孫子長

向來數亂屬名流那許東山樂不休鳳闕徵書
行省日鵲橋良會故園秋四方寇盜何時息十
載君恩尚未酬應識稱觴賓客散歌驪仍待
岳江頭

雍伯輿揮使脩葺北樓告成孟秋七日携
酒落之賦得萬壑松風夜觀牛女渡河
客為甬東周爰祭清漳廖又菁清流伍
化臣脩臣霍童陳倚玉長溪劉薦叔予
社徐興公倪柯古高景倩陳叔度鄭爾

調陳磐生安蓋鄉林懋禮主人則伯輿
氏及予能始也分得平聲轉韵七言歌
行一首

歛雲層層凌高城大火西流尚未平此際蒼松
蟠萬壑湖山表裏俱分明丹樓版築時將興邑
中之黔慰庶心餽饁無煩艸露宿相歌自有松
飈吟堂構雖新氣象古鳥革翬飛承百堵舊貫
依然傲子騫賞格應懸自宣武爲言將軍勞且
苦觴以落之飲我醕沓谷皆成鸞鳳音喬柯盡

作虬龍舞金湯勢壯無諸封風水輪消赤帝馭
祇恐濤生盛伍胥欲渡宵深怯牛女爲語天孫
氣勿阻環珮珊瑚向空舉會合非艱轉不奇寧
須泣涕深如雨君不見場中演出木蘭軍粉黛
何曾習師旅替父從征赴玉關胡笳一曲邊月
午金甲無眠烏鵲飛明河歷歷照機杼此時若
問嚴君平漢人翻作梁人譜

壽王二南

鵲橋初散御橋通卿月高懸宴綵虹不與天孫

石倉詩集 卷三
縈別恨還從佛祖紹家風優曇花向慈容繞蘭
蕙言應臭味同若問履聲清切處早時名姓徹
宸聰

壽沈開府

七襄雲錦自崑崙遙映真人綠玉樽暖日扶桑
升海嶠秋霜刁斗靜轅門但將素履明臣節自
有丹忱答 主恩得似我公談笑裏寧憂寇盜

蒲中原

清流伍化臣脩臣別歸

翩翩來二妙發我以文機西浙濤聲壯曾學武林聞子
將東華曉日輝志因年共茂才詎世相違仰視
雲邊雁天秋好共飛

其二

爲言相見日慰昔平生私真率園中境留題壁
上詩但酬招社意勿訂出山期不敢遺 君父
同心復告誰

龍首亭仝崔徵仲少集

人是霍童家尋真駕鹿車坐來山際雨談擷海

東霞奕思禪機透詩情酒趣賒夜觀河漢際機杼任橫斜

予以七夕北樓公宴歌行寄黃大次見答

有作因附之

黃立言

無諸臺畔寄雙魚魚腹傳來得素書盡道嵩溪
曾送客那知作賦到城隅城隅轟轟中天起郭
外松枝遶流水俯瞰朱欄十萬家橫看秋浦芙
容裏當時我亦舊經過奈可乘流向薜蘿入夜
不妨窺昵枕填橋且自望銀河風流未散輕烟
薄好倚珠宮醉簾幕買斷西湖與北樓謝公惟
有青山樂

三山耆社詩敬述

老人有星在狐之南王者有道明顯斯臨皤皤
黃髮覃厚干天或出或處聿言全心一言一動
民式以欽 帝其念之逸我于林秩秩初筵以
酒爲箴夙敦其會匪云自今
司馬君實六十有四耆英之社固與其次予丁
茲年恰與相值德位莫崇孰云攸企惟是諸公

不我遐棄用以被塵觴行舉觶往者不追來猶
可冀斯文在天共扶罔墜

是日與會者王伯山文學年八十四陳惟泰
居士年八十三陳振狂秘書年八十二董崇
相司空年八十一馬季聲州佐年七十七楊
穉實督學年七十六崔徵仲刺史年七十一
徐興公鄉賓年六十八予學佺爲最少云直
社芝山之龍首亭自不佞始願與諸公歲歲
續茲盟焉 崇禎丁丑八月之十三日

送王虞石大理還朝

求舊無如切我 皇新恩特召赴崑廊謝公奕
已超三品虞室刑惟服五章卿月向空懸寶鑑
法星崑席耀金方四郊多壘何時息應借中樞
爲主張

送周爰祭還甬東

老惜壯容減病知秋夜長末繇送我友遵彼河
之梁白露尚多熱青楓未變黃惟茲離別意耿
耿不能忘

送劉薦叔自梅溪之九潭

一掬梅溪水何如在九潭世情不堪語波影與
長叅可歎彼江北居然吾道南蘇湖教授業今
豈屬空談

送馮弓問之蜀監司

西戎卽敘古雄州坐見金墉遠汶流諸葛祠堂
遺柏茂杜陵潭水浣花幽八千里外承新寵
三十年前憶舊遊漫道少康閩與蜀廓清寰宇
仗弘猷

開元併家卽事

佛已空諸有開元始併家彼慳還自墮我法未
爲邪片月臨滄海詣天雨曼花三乘元不二長
駕白牛車

齋前對菊

今年當閏月黃菊帶霜妍遂有兩三朶開于重
九前玉華拳石秀金魄再旬圓筆研年將廢因
茲發興偏

重陽前一日集鱗次臺登高賦

登高歷並層層塔把酒吟來步步詩坐穩不知

黃鵠至時對菊奕身閒偏與白鷗期翺有年偶至捫苔額

認雙臺處剝栗聲傳比屋時懶向菱花照雙鬢

此間秋被却臨池

送何平子北上

漢室相傳舉孝廉方今才譎貴能兼如公實望
膺斯選何事浮屠更合尖極日封疆多擾攘驚
心功令倍森嚴應時措置憑高手盤錯方知利
刃銛

送張挺玉國手還溫陵兼寄林讓菴吏部

手談何縷縷欲別屢揮觴解得閒遊趣寧論占
勝場北山含霽色南雁引秋光石笋臨江迥看
雲幾許長

通津樓公宴

丹樓仍舊址觀宇是新裁車馬塵不上江山色
自來玄霜飄幕府絳節下仙臺曲宴人間樂寧
須奏可哀

天寧寺啓土

祖師當悟道時節與因緣况此河山裏重新締
造年名賢棲息地庶子剝竿懸會見遠公社依
然開白蓮

池上紫菊盛開邀林公美小集因送之宣

城

公美洵無度予交合有神黃花明處士紫氣傷
真人節以存須晚香因釀覺新敬亭山上月早
已到延津

題松石圖爲胡南石叅知

石中含玉潤松際有濤生以茲喻使君實大宏
其聲發祥絲蜃海高騫出羊城文章具元局解
榜魁羣英南宮無停軌北闕趨承明木天吐鳳
采石室避驄行何幸我聞陬鹽策資持平褰帷
一以徧問絹風同清更始去壅術要在通輿情
軍實有餘裕戶口殷且盈因之爲公祝川至莫
不增歲寒枝益勁春近陽輝呈玉律調君韻金
甌覆盛名枚卜旣互用公乃內外并遙望三台
星煌煌傍長庚東人袞衣詠茲辰乃復賡

贈許稗旋

士龍原競爽玄度亦齊名
以此墮筮奏何殊
山水情引經如老吏驚
座任狂生一片雲
間月嵩溪皎皎明

輓趙子晦明府

倚天高閣逼崆峒
出匣精光映赤虹
兩度飛鳧俱嶺表
千年化鶴自遼東
家傳芳艸王孫牒
斷有萊蕪漢吏風
歲歲瓊河樓上望
曉鶯楊柳悵春工

輓高景倩

不將華艷易清寒
掃却人間粉黛殘
筆底有花那復夢
庭中無麥任空竿
汝南月旦時懸口
安邑交游不累肝
咫尺尋梅應有約
吟魂寂寂下仙壇

洪江見白菊

冬候何太暄
春和亦焉別
惟此離頭花
點綴數枝雪

洪山橋少憩

常時過橋上車馬孰盤桓省工憩沙岍便似泊
舡灘

送葉方苞之令安成

茲歲科名借我公非然省會榜幾空分符百里
遊當晝製錦三年美在中 功令愈嚴今日政
循良還慕古人風悠悠路上如碑口容易長安

達 聖聰

題松芝圖爲周君章毋壽

百尺松枝抱石堅貞心相保歲寒年不妨劉薦

留賓意賸有長齋化佛緣愛日階前冬日暖牽
衣膝下綵衣鮮應知壽母卽王母青鳥時時銜
石箋

送施青藜宰益陽之任

花封領出近瀟湘澗水南流過益陽雙峽清音
隨玉珮九峰如畫面琴堂壘餘曾肅屯兵處洞
有裴休說法場昔日江潭稱善地茲行先爲撫
殘傷

送林友有之豫章

知別溫陵郡行行便覺寒入林唯竹柏乘霽向
溪灘客路探梅蚤仙霞映葉丹章江南北望何
似在家安

至日社集龍首亭喜陳昌箕北歸

羣峰不用遠躋攀但陟層臺古寺間日至却逢
人至日山靈何似佛靈山經云有相俱爲幻爽
到無心祇自閒憶昔謝安曾折屐那言憂樂不
相關

天寧寺上樑周章甫邀過梅塢

路遠寒江外林藏曲塢偏幾枝堪似雪一望尚
含烟麗色雕梁寫幽香梵磬傳尊雷勿遽撒草
艸夕陽前

昌箕冶園看梅全興公叔度諸子

梅樹尚含蘂茲園開欲殘所忻良友集先得數
朝看論心堪比素灑墨不成丹幸保南枝健相
將度歲寒

石倉看梅

予園久不涉花事每關情却于橋絕處轉見一

枝橫

客問東山趣令人覺漸賒亭臺久彫落空說妓如花

三石亭看梅

郊行梅欲謝石隙開方始欲與靜相對閉門一月裏寂寂書窗外行行嗅曲廊乍映蒼苔白能令翠竹香

贈施海憲四明

建牙籌海主恩深方岳崇階百辟箴至後陽光

看漸轉春前淑氣喜先臨四明山色傳清籟一片梅花印素心欲識雅歌川口頌晨昏但聽兩潮音

小寒日宋季玉開社龍首亭看梅

虬枝詰曲覆欄干龍首昂藏勢並看幕裏芙蓉應薦煖坐中梅樹不知寒四圍山色籠雲白一片霞光競雪丹爲問燕關開落候誰家吹笛在長安

古杏軒雨中梅社兼看回軸二梅共賦一

東韻

畫中梅與樹梅同筆底能分造化功古法新枝
誇並健揮毫躡屐興誰雄層層霧氣濃成墨點
點苔痕淡入叢祗謂無聲詩句寂故將吹笛向
春風

薛老庄看梅共用七陽

主人君和直社

連朝梅下屢傳觴最勝無如薛老莊雨後縱飄
千萬片松間猶露雨三行高寒直迫瑤京界遠
近皆爲練水鄉拾磴尚誇筋力健鬚眉那復較

蒼蒼

冬月晦日安蓋卿招冶莊看梅

用屏山
二韻

編竹已成局依山復作屏寒暄俄頃候丘壑一
孤亭梅落千林雪池浮幾點星巉巖皆石骨披
剔付園丁

其二

梅社卽詩社閩山爲越山縱橫毫與楮適意坐
仍拔節值窮陰裏城如不夜間可無清興續襍
被向禪關

雨後朱丈心見招集山閣全願果卿吳太
真林異卿吳仲緯張以昇奕

石磴扳時隱陰晴望未分湖天微暈月丘壑幾
層雲閣峻論碁品池平注篆紋有墨池落梅雖
萬點那向笛中聞

答寄丁雲礎孝廉

別來歲月易蹉跎閩楚風烟接壤過雪塢晝携
高士臥雲林春望美人歌夢松腹上如丁固泣
玉山中有卞和聖主需賢真若渴公車早晚

渡黃河

端山蘭若歌爲池直夫孝廉賦

君不見銀城昔日號大同主簿聞有朱文公至
今題詠諸崑石峻嶒道骨驅真風又不見文圃
學士多遺跡土無頑膚木無棘沓洞邃谷皆天
成唐帝潛踪傍黃檗浯洲斷嶼入海水仙人倒
地眠不起閩王北鎮雖贖封祗似桃源避秦世
南陳北薛共嘉禾天雞叫曙飛蜂窠七星點綴
珠囊啓篋管港塞那通波茲我直夫負奇穎更

有誅茅在幽境松陰盤旋似青螺樓閣排空如
綵蜃蜃噓氣今虹爲梁虬起舞兮翬斯張蓮花
朶朶秀中央捧來貝葉無盡藏端巖一峰開土
登座而說法衆峰羅列兒孫左右締聽于四旁
石淙崑泉天樂演龍湫瀑布風旛颺直夫直心
是道場皈依稽首大仁王背塵合覺超三昧生
滅二相稱俱忘夜靜經聲出琳瑯如逆風前旃
檀香但能宣揚如來旨乃真舍利之毫光噫慧
業文人兼者少以文測君義豈了須扣維摩丈

室中不二門開山月皎

支提併家贈新公耆宿

合烟纔得號叢林七佛威儀尚可尋渡海天冠
時應供入山雲笠望成陰窮源不辯東西脈空
谷能傳下上音莫把有無功德較年來老宿已
休心

丁丑初度對奕宴客

浮世六旬四甲子勝情三百着枯碁歲星豈是
東方朔說法曾經遠錄師去日况兼多好景閒

石倉詩稿 卷三
身不是少恩私樽前漫擁如花妓其奈東山小
艸衰

丁丑除夕偶占一先韻因成八絕

臨水登山閱蠹編六旬過四幸翩僊此身那卜
長如許聊盡崇禎第十年

王臣艸莽謝朝賢憂亂時賡變雅篇率土誰能
均守歲江南江北不同天

妖氛何事傷星躔處處飛蓬遠燭天三冬已訝
咸陽燒不待今宵爆竹烟

生計無聊學賣田兒孫空費贖回錢楚弓得失
寧須問人道阿翁輸子賢

漫云耽奕老來偏舊譜新翻妙不傳一局未殘
新一局殘年何似接新年

臘月三十舊公案俗子盈門來索錢并有衲僧
不解事囊無餘鈔逼交緣

重重遼餉力難前溢地均輸巧筭緡皮骨僅存
須勉強徼恩勿更遣中涓

吟就新詩紀歲年挑燈揮灑碧雲箋不教筆墨

留餘債待墾來秋熟研田



